



सानसेयारि **“बड’सा”** खरीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल’, स्ल’बाथा आरो दावबायारि थावनि, पार्क
बाइदिनि स्थायव लिन्नाय लिन्बिदां दैथाय हर्/
सानसेयारि **“बड’सा”** खरीर्लाइया स्वेबस्त्रानावै
फोस्वावोन/
बड’सायाव लिन्हर्नायनि हुदा खलाम,
“बड’सा” खरी नोथां, जों बयबो आंगो खलाम/
सानसेयारि बड’सा मावबुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 13 May, 2025 Kokrajhar, BTC, Assam ★ Vol.-35, Issue No.48 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

गुवाहाटी उरां जाहाज गाथोनाव ‘गुवाहाटी मेरियत रिजर्ट एन्ड स्पा’ आरो ‘फेयारफिल्ड बाइ मेरियत गुवाहाटी’ नि हा फुजा होनाय हाबाफारि

आसामनि गोदान जोलैआ जेसेबां सिगांलांगोन, बेयो गोवगाथावनि आयदा जागोन: गिबि मन्थि

दिसपुर, 12 मे: एडभान्तेज आसाम-2.0 आव गोरोबलायनाय रादाय बादियै आसामनि गिबि मन्थि ड॰ हिमन्त बिश्व शर्मा आ दिने जनाली कनस्ट्रक्सन प्राइभेट लिमिटेडनि बान्जायनायाव गुवाहाटी उरां जाहाज गाथोननि लामायाव 500 कौटि रां बाहायनानै मोनसे बेंखनावनो लुजानो गोनां गनै हटेल फारियै ‘गुवाहाटी मेरियत रिजर्ट एन्ड स्पा’ आरो ‘फेयारफिल्ड बाइ



मेरियत गुवाहाटी’ नि हा फुजा होनाय हाबाफारियाव बाहागो लाफेदों। बेखौ लोब्बा लानानै खुनाय हाबाफारियाव गावनि बिबुंथियाव गिबि मन्थि ड॰ शर्मा आ बुंदोंदि, बेबादि रोखोमनि मुलगनां थाखोनि (□ 6 बिलाइआव)

दरबै गामियाव मोब्लिब सिबिथाइ रहा बेखेवनानै होदों एमएलए लरेन्स इस्लारिआ

कक्राझार, 12 मे: हादत उदासि जानायनि उनावबो गोबाव बोसोरनाडै मोब्लिबनि जेंनाजों सैनांबोनाय दरबै गामियाव मोब्लिबनि सोरां रहा जगायनानै होदों आसाम आरो बिटिआर सरकारआ। कक्राझार जिल्लानि सिडाव थानाय झारबारि हालामनि महेन्द्रपुर भिचिडिचिनि सिडाव थानाय दरबै गामिफोर फारियै-थोनपुरि, सान्जा महिन्द्रपुर, सुरक्षाकाता आरो 9 नं महिन्द्रपुर गामियाव



मोब्लिबनि जेंनाया थानाय 50-60 बोसोर सिगांनिफ्राय दिन्दानानै दंबोयोमोन। नाथाय दिने वे मोब्लिब सोरांनि जेंनाया

बोस्नां जाबाय। गोबाव बोसोरनिफ्राय दिन्दाना थाबोनाय दरबै गामिनि राइजो-राजाफोरनि दिने वे मोब्लिब सोरांनि जेंनाया (□ 6 बिलाइआव)

गसाइगावआव बर’ बिमा सान फालिदों

गसाइगाव, 12 मे: बिटिआरनि गुबुन गुबुन ओन्सोलजों लोगोसे दिने गसाइगावनि चराइबिलआव बर’ बिमा सानखौ फालिदों। बर’ आइजो आफाद ‘आबोफ’ नि बान्जायनायाव चराइबिलआव थानाय मुंखलं गायदे आरो हेलेनानि गोसोखांथि खाम्फायाव दिने फुं समाव फिरफिला बिरहोनायजों हाबाफारिया जागायजेनो। बेनि उनावनो मुंखलं गायदे आरो हेलेनानि गोसोखांथि खाम्फायाव मुंखलंफोरखौ गोसोखानानै मान बाउनाय जादों। मख’नो



गोनांदि, 1988 माइथायनि 12 मे सानखालि चराइबिल गामिनि गायदे बसुमतारि आरो हेलेना बसुमतारिआ सा 8 बर’ सुबुंफोरखौ पुलिसनि आखायनिफ्राय रैखा खालामनो थाखाय सिगाडव होबथादोंमोन आरो आसाम पुलिसनि

गुलिआव गावसोरनि जिउखौ बाउदोंमोन। मुंखलं गायदे आरो हेलेनानि जिउ बाउनांनयनि

गोसोखांथि महैर बोसोफ्रोमबो बर’ माहारिनि आफाद- (□ 6 बिलाइआव)

कक्राझारनि बयजोंबो सिनाय जानाय समाज सिबियारि आरो फाहामगिरि डा: अधीर कु: ब्रह्मनि जिउ गोमानायाव दुखु सागलोबदों



कक्राझार, 12 मे: कक्राझार सहर बागानशालिनि थागिरि आजिरा मोन्नाय फाहामगिरि आरो समाज सिबियारि डा: अधीर कुमार ब्रह्मनि (71) थैनाय खौरां गोसारनायनि

उनावनो सहरनाडै गोथौ दुखु मोन्नाय साग्लोबसारो। डा: ब्रह्मआ गोलाव समनिफ्रायनो बिखानि बेरमजों नाखेब जानानै दडमोन। बिथाडा सासे फाहामगिरि जानानै फाहामथाय सिबिथाय होनायजों लोगोसे थुनलाइ सिबिनायावबो नांथाब बोनाय डा: ब्रह्मआ सहरनि माखासेमानि समाजआरि फसंथानफोरजों लोब्बा थाबोदोंमोन। सासे खन्थायगिरि महैर बयजोंबो अन्साय जानाय डा: ब्रह्मआ गांसे खन्थाय (□ 6 बिलाइआव)

दुलाराइ बर’ आइजो अन्साइ आफादआ 23थि बर’ बिमा सान फालिदों



गोस्वर, 12 मे: सिगां बोसोरफोरव फालिबोनाय बादिनो देग्लायबो दुलाराइ बर’ आइजो अन्साइ आफादआ 23थि बर’ बिमा सानखौ सानसेनि हाबाफारिजों मेहेरगोनाडै फालिदों। तामुलपुर जिल्लानि सिडाव थानाय शुक्लाइ सेरफांनि जोहोलावफुरि पार्कआव दिने सानसेनि मेहेरगोनां हाबाफारिजों खुंफुनाय जादों 23थि बर’ बिमा सान। मख’नाय जायोदि, बर’ हारिनि थामोन्था,

रैखाथि आरो मोन्थाइनि थाखाय थाना थानाय समाव मैखोमै खामानि मावबोनाय आरो बर’ हारिनि थाखाय गिबिसिनि आइजो मुंखलं जानानाय हेलेना बसुमतारि आरो गाइडे बसुमतारिमोननि मुंखलं साननि लोब्बायै दुलाराइ आइजो अन्साइ आफादआ बर’ बिमा सानखौ फालिनाय जादों। दिनेनि बे बर’ बिमा सान फालिनायनि हाबाफारि बादियै फुंबिलि (□ 6 बिलाइआव)

कक्राझार ट्राइबेल संघनि रेस्ट हाउस लुनाय खामानियाव सानै दान्थे- बिदन्थेजों लोब्बा गोनां फालांगिरिआ उतखार खालामनायनि अजद



कक्राझार, 12 मे: कक्राझार सहरनि पाथरघाटआव ट्राइबेल रेस्ट हाउस लुनायाव ट्राइबेल संघनि दैदेनगिरिफोर कक्राझारनि दान्थे-बिदन्थेजों लोब्बा गोनां फालांगिरिजों बायदि रोखोमनि उतखार खालामजानायजों मोगा-मोगा जानो गोनां जानायनि मोनसे गोखों अजद ओंखारदों। बे अजदखौ दैखादों कक्राझार ट्राइबेल संघनि दैदेनगिरिफोरा। मख’नो गोनांदि, गावसोरनो बिटिआर सरकारआ आइन बेरेखायै हा गथायदों होन्ना फालांगिरि चन्दन पाल आरो सन्जन पालमोनहा बे हायाव रेस्ट हाउस लुनायाव होबथानायल’ नडा, गुबुन गुबुन मुवा-बेसादफोरखौ खाउनानै उतखार खालामबोनायनिबो (□ 6 बिलाइआव)

कक्राझारआव फाहामथाय लाबाय थानाय समाव सासे सुबुडा सोमोनांथावयै जिउ गोमादों

कक्राझार, 12 मे: कक्राझार सहरनि साखांथि बेसगावआव थानाय कक्राझार फाहामथाय फरायसालिमा आरो फाहामसालियाव फाहामथाय लाबाय थानाय समाव (□ 6 बिलाइआव)

एमएलए पनिधर तालुकदारआ मानास बियाबाव माखासे जौगाखाडारि खामानिनि अन्थाइ खाम्फा गायसन्दों



सालबारि, 12 मे: बाक्सा सभा बियाबआव दिने माखासे जिल्ला एवा मानास बिधान जौगाखाडारि खामानि मावफुनो

हादतनो होनाय बिबुंसारव गाहाइ मन्थिआ सान्थि हान्जा, सुरां एजेन्सि आरो गोनोखोगिरिफोरनो हादतनि नौनारिनि जानानै साबायख’र होदों

गोदान दिल्ली, 12 मे: दासान्दि भारत-पाकिस्ताननि गेजेराव सोमजिनाय दावहाआरि हुंदाव थासारिनि गेजेरावनो गाहाइ मन्थि नरेन्द्र मदिआ हादतनो होनाय बिबुंसारव पाकिस्तानखौ गोखों रावजों सोंखारिदों। पेहेलगाम गाग्लोबनायनि उनाव भारतआरि सान्थि हान्जाया पाकिस्तान आरो पिअकेआव सान्थिआरि स्ट्राइकनि गेजेरजों पाकिस्ताननि मोन 9 उतखारि (□ 6 बिलाइआव)

सान्जा कलाइगाव बाथौ महासभानिफ्राय दर 22 गामिनि एइसएसएलसि आरो एइसएस आन्जाद उथ्रिनाय फरायसाफोरखौ बरायदों



उदालगुरि, 12 मे: पाकिस्तानजों नांनय दावहायाव जिउ बाउसोमनाय भारतआरि बीर सान्थिफोरनि जिउमा गोजोननि आर’ज गाबदों सान्जा कलाइगाव बाथौ महासभानि बेन्दोंआव थानाय दर 22 गामिनि राइजो-राजाफोरा। बेजों लोगोसे थानाय मोट्रिक आन्जाद आरो गोजौसिन गेजेरारि जोबथा आन्जादयाव उथ्रिसार जानाय फरायसाफोरखौबो बरायनानै मान होयो। बाथौ महासभाआ

ओन्सोलनि दर 22 गामिनिफ्राय उथ्रिसार जानाय सा 65 फरायसाफोरखौ बरायो। सान्जा कलाइगाव ओन्सोलारि बाथौ महासभानि नाटिपारा खेराइ सालिआव बे बराय आरो मान बाउनाय हाबाफारिखौ खुंनय जायो। बे हाबाफारिआव बर’ थुनलाइ आफादिनि आफादगिरि, नेहाथारिजों लोगोसे फोरोंगिरि, समाज सिबिआरि आरो मान गोनां सुबुंफोरा बाहागो लाफेयो। बराय जानाय फरायसाफोरनो सुबुं

सम्पद दानाय बेलायाव केरियार काउन्सिलिनि फोरोंथाय आदोबनि सायाव बिबुंथि लाखियो सिद्धार्थ प्रतिम दत्तआ। सान्जा कलाइगाव ओन्सोलारि बाथौ महासभानि आफादगिरि मंतु कसारिनि आफादगिरि मासि सामलायनायाव खुंनय बे बराय मेलखौ बेखोवनानै होयो नेहातरि उपेनराज बर’आ। बराय हाबाफारिआव बाथौ महासभानि बोसोनगिरि आरो थुनलाइगिरि कमलाकान्त बर’, समाज सिबिआरि खगेन बर’, गामि गोरा सुरेन कसारि, आजिरा मोन्नाय उदालगुरि जिल्ला फरायसालि नायदंगिरि नबिन चन्द्र बर’जों लोगोसे फोरोंगिरि, फरायसा आरो दर 22 गामिनि राइजो-राजा सुबुंफोरा बे मेलआव बाहागो लायो।□

बाक्सा बरिमाखा ओन्सोलारि (शातदल दालाय) साहित्य सभानि 26थि नै बोसोरारि जथुम्माया थुंगेबाय बिजाबफोरा मोनसे रावखौ जौगाहोनाय आरो गोसारहोनायनि बिजों: प्रनब कुमार बर्मन

मुसलपुर, 12 मे: बाक्सा जिल्ला साहित्य सभानि गोखौडे आरो सदानग्रा आफाद साहित्य सभा बरिमाखा ओन्सोलारि (शतदल दालाय) साहित्य सभानि 26थि नै बोसोरारि जथुम्माखौ दिने सानसेनि हाबाफारिजों खुंफुनाय जायो। बरिमाखा ओन्सोलारि साहित्य सभानि आफादगिरि उपेन चन्द्र



दासआ आनन्दपुरनि ओन्सोलारि श्रीमन्त शंकरदेव कलामान्चानि न’ब्लाडव खुंजानाय बे बोसोरारि जथुम्मानि फुंबिलि समाव असम साहित्य सभानि फिरफिलाखौ बिरहोयो। बेनि उनाव गुबुन गुबुन फरायसालिनिफ्राय नुजाथिनाय फरायसाफोरनि गेजेराव खन्थाइ (□ 6 बिलाइआव)

सुजुगिरिनि खोलोम

दाव-हांसोनि फार्म खालामनानै थानानै थानायनि लामा दिहुनाय

आबादयानो जॉनि थानानै थानायनि गिबि आरो गुदि फुंखा। आबादनि अनगा गामियाव राइजो जानाय सादा-बुसा जॉनि सुबुंफोर गुबुन माबा मोनसे मुलाम्फायारि गोनां खामानि-दामानि मावनानै रां-खावरि बुथुमनायनि गुबुन लामा नागिरनो गोब्राब मोनो। आबादखौनो गुबै राहा महरै लायोब्लाबो गोनोखोयारि आदोबजों आबाद मावनो हाद्रायाखै। आथिखालनि समाव बर'फोरबो फालांगिनिफ्राय लानानै,मोजां आबादारिफोरबो दंसै। गुबुन बाभ्राखौ बुडबालानो मिथिंगायारि फुंखानिफ्राय मोन्नाय माखासे खाबु लानायनि गेजेरजों गामियारि रांखान्थिखौ गुस्लायहोनायनि लामा लानो हागौ।बेफोर मख 'जाथावनाफोरनि गेजेराव गामियाव हांसो-दाव फिसिनानै गोबां मुलाम्फा मोनो हायो।दाव-हांसोया बेदरल' जगाया , ओन्सोलाव गोनांथि जानाय दावदैनि साहिदाखौबो सुफुंनानै गोबां मुलाम्फा खालामनो हागौ। आथिखालनि समाव दाव बेदर आरो दावदैनि साहिदा सुफुंनो हायैनि जाउनाव राइज्योयाव गोनांथि जानायखौ फोलोमनो गुबुन गुबुन राइज्योफोरनिफ्रायसो दाव-दावदै लाबोनो गोनां जानाय नुनो मोनो। बेफोरखौ नोजोर होनानै जॉनि सुबुंफोरबो फिसा-फिसा दाव-हांसोनि फार्म बानायनानै बेदर-दावदैनि फालांगि खालामनानै गोबां मुलाम्फा मोनो हागौ। गुबैयै नाजों लोगोसे हांसो-दाव फिसिनायनिबो राहा-लामा लानो हायोब्ला साबसिन आरो गोबांसिन मुलाम्फामोनो हानायखौ नुहरो। नोजोर होथावनादि- दैज्नां बोथोर सौफैल्लानो गामि ओन्सोलनि गोबां हाखर-हाला, गरखाय-दंगफ्रा अखानि दैजों दानब्रै-दानबासिम आबुं लोमनानै थायो। बेफोर एरैनो गोर्लैसोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरावनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखान्थियारि फुंखाखौ एसे एनै बांहोनायनि मिजिं खालामनो हागौ। दैज्नां बोथोराव थि बेंखनथायनि गेजेराव दोन्नानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फो-एनलाफोरखौनो जायो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसाबस्राडैहाफ्रा-बंग्रा, दाखोर-दालाफ्राबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोराव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थिग्रोनानै मोजां आरो गोगो जौलैनि ना फुवान आरो हांसो जौलै ज'गायनानै फिसिनायनि बे गोर्लै राहाजों बाडाइ खरसा आरो बाडाइ समनि गेजेरावनो रं खामायनो हागौ। आथिखाल ना-बेदरनि साहिदा बांनाय आरो बारायग्लाबनाय बेसेनखौ नोजोर होनानै नाजो लोगोसे दाव-हांसो फिसिनानै बेदरजों लोगोसे दावदैनि साहिदाखौ सुफुंनानै गोबां मुलाम्फा जानो हायो। बे रोखोमै दाव-हांसोनि फिसा-फिसा फार्म गायसन्नानै बेदर-दावदै दिहुनायनि लामाजों रांखान्थियारि बिथिडै एसे-एनै गोखों जानो हानायनि लामा मोनो हागोन। □

दिनैनि फान्जामुथि

राशि बाइदियै मुंनि गिबि हांखो

मेष : अल बुष : ऊब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : तर बृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ञ झ)

मेघ: जेखि जाया खामानिखौ फोथायनायजों मावोबा सान्नाया जाफुंगोन। बे राशिनि थाखाय मोजां सम।

बृष: गोसो सिडाव मानिबा रगा जौनाय, दुखु मोन्नाय जानो हागौ। जेखियानो जाया गोसोखौ हमथा।

मिथुन: माखौबा लानानै गिखांनाय मोनो हागौ। गोसोखौ लोरबां लानो नाडा।

कर्कट: मानिबा थाखाय गोबां रं खरसा जानो हागौ। गोसोखौ हमथानानै सोलिनांगोन।

सिंह: मोजां मोनलायनायनि गेजेराव सोमोन्दोआ गोर जगोन। फारफ्रोमथिबो मोजां।

कन्या: जेथिबो समाइना खालामनानै लानो हागोन। जेखि खामानि मावा गोजोन मोनगोन।

तुला: फालांगिरि मावग्रानि थाखाय गाहाम सान। जेखि मावा मुलाम्फा खालामनो हागोन।

बृश्चिक: सान्नाय-हनाय गासैबो फेलें थानो हागौ। जेरावबो सांग्रां जानांगोन।

धनु: देहा-सावसिआ मोजाडै थानाय नडा। देहाखौ सांग्राडै लाखिनांगोन।

मकर: गोबाव समनिफ्राय नाजाबोनाय थांखिया जाफुंसारगोन। गोसोखौ गोजोन मोनगोन। मोजां सान।

कुम्भ: खामानिफोरखौ सानै-हयै मावनांगोन। गोरोन्थि मावफलांनो हागौ।

मीन: जेखि खामानिखौनो मावा मोजाडैनो मावलांनो हागोन। जैरैबो सम-खाबुखौ मोनो हागोन।

आसामनि पन्सायत बिसायख'थियाव बिजेपिआ देरहानायनि थाखाय मदिनो साबायख'र बाउदों

गुवाहाटी, 12 मे: आसामनि गिबि मन्थि ऊ हिमन्त बिश्व शर्माआ रबिबारआव राइज्योनि पन्सायत बिसायख 'थिआव बिजेपिआ गोबां भटजों देरहानायनि थाखाय गाहाइ मन्थि मदिखौ सुबुंफोरा जोबोद अन्सायनायानो गाहाइ जाहोन होन्ना बुडो। पन्सायत बिसायख 'थिनि फिथाइखौ फोसावनायनि उनाव गिबि मन्थिआ बुडोदि, राइज्यो बिजेपिनि आफादगिरि दिलिप राइकियाआ बे बिसायख 'थियाव पार्टिखौ दैदेन्दों। जागायजेन्नायनिफ्राय

गावसोरहा फोथायनाय दंमोनदि, बिजार्थिफोरखौ सायख'नायनिफ्राय लानानै

जुथाय जानायसिम गसिबो खोन्दोखौ जाफुंसारनायनि उनाव गावसोरनो एबा बिजेपिआनो

देरहागोन। बेयाव एबा अभियानआ मोनसे हारिसुआरि नाजानायमोन, जेराव मिरुनि

सिक्किमआ 50 बोसोर आबुं जानायनि सन्मिलन खुंनो थियारि

गेंटक, 12 मे: सिक्किम सरकारआ राइज्योनि प्रेस क्लबजों लोगो लानानै गेंटकनि एडमपुलआव मोनसे सन्मिलन खुंदों। सनाथि जयन्ती सन्मिलन(1975-2025) फालिनो सिक्किमआ थियारि। मानोना दरसे आबुं राइज्यो दाजानाया सिक्किमआ 50 बोसोर आबुं जाबाय। बिबानगिरिफोर बुंदोंदि, बे फालिथायनि हाबाफारिखौ खौरं आरो सुबुं फोनांजाब बिफान (आइपिआर) आरो प्रेस क्लबआ खुंगोन। सिक्किम प्रेस क्लबनि आफादगिरि भिम रावतआ खौरंगिरिफोरनो फोरमायदोंदि, सन्मिलनआव गोबां मुंदांखा सेलेब्रेटिफोरा बाहागो लागोन, जाय थानाय 50 बोसोराव सिक्किमनि दावबायनायाव सावरायगोन आरो बेनि इयुननि सायाव नोजोर होनायखौ बुंथिगोन। बे सावरायनायाव राइज्योनि गाहाइ जाफुंसारनायफोरखौ मिथिहोनाय एबा दिन्थिनाय जागोन आरो जाखांफुनाय इन्भेस्ट खाबुफोरखौ रोखा खालामगोन। सुबुंखान्थिनि ब्रैथि खुन्थिया सिक्किमआ राइज्यो दाफुंजानायनि 50 बोसोर आबुं जानायनि उनाव बे हाबाफारिखौ खुंनो आखाइयाव लानाय जादों। बे हाबाफारिआ हा-सा राजखान्थिनि बांसिनबोनाय गोनांथि आरो सिक्किमनि सोलोखान्थियारि थासारिखौ नोजोर बोनानै मोनसे मख 'जाथाव समाव खुंजादों होनानैबो बिथाडा बुडो।□

भारत-पाकिस्तान दावहानि थाखाय बन्द' जानाय गं 32 उरां गाथोनफोरखौ हगारफिनबाय

आइजल, 12 मे: एएआइआ रोखा खालामदोंदि, भारत-पाकिस्तान सिमनायाव सोलिगासिनो थानाय दवाहानि थाखाय 15 मे 2025 सिम नोगोरारि उरां सामलायनायनि थिखानाय अरायथा नडै

आपडेट मोन्नो थोंजों एयारलाइनजों फोनांजाबना

वेबसाइटआवबो नोजोर होनो हागोन। अधमपुर, आम्बाला,

महरैबन्द'खालामजानाय गं 32 उरां गाथोनफोरखौ इमान्जैन्थिये खुलिबाय। भारत आरो पाकिस्ताननि गेजेराव दावहा जानायनि उनाव श्रीनगर आरो अमृतसर बायदि गाहाइ उरां गाथोनफोरजों लोगोसे बै उरां गाथोनफोरखौ सिगाडाव बन्द' खालामनाय जादोंमोन। थानाय 7 मेआव भारतआ उतरखारि केम्पफोराव गाग्लोबदोंमोन। बेनिफ्राय सिमनायाव पाकिस्तानआ गुलि गाग्लुनायनि उनाव सांग्रांथियारि राहा महरै बेफोर उरां गाथोनखौ बन्द' खालामदोंमोन। गं 32 उरां गाथोनफोरनो आथिखालाव नोगोरारि उरांखौ बाहायनो गनायथि होबाय। दावबायारिफोरनो बोसोन होनायबो जादोंदि, बिसोरो गावसिनि उरांफोरनि बागै गोदान

थासारिनि खौरं लानो हागोन आरो एयारलाइननि

अमृतसर, जम्मुआरो श्रीनगरनि उरां गाथोनफोरबो बैयाव दंम्यो।□

जम्मुआव मनिपुरनि बिएसएफ कनस्टेबल मुंख्लं जानायनि सायाव बिजेपि, कंग्रेसआ दुखु फोरमायदों

इम्फल, 12 मे: मनिपुरआव बिजेपि आरो कंग्रेसआ बिएसएफ कनस्टेबल दिपक चिंगाखमनि मुंख्लं जानायनि सायाव गोथौयै दुखु मोन्नाय फोरमायदों, जाय थानाय 10 मेआव जम्मुनि आरएस पुरा सेक्टरआव पाकिस्ताननि गेजेरजों जागायनाय सिमना बारनायनिफ्राय गुलि गावनाय समाव गुलि नांनायजों जिउ गोमायो। मख 'नो गोनांदि, सान्जा इम्फल जिल्लानि याइरिपक याम्बेमनि थागिबि चिंगाखमआ जम्मु-काश्मीरआव थानाय

हारिमायारि सिमनायाव गुलि गावनायाव जोखोम जानाय सा 8 बिएसएफ मावसुमाफोरनि गेजेराव सासेमोन। बिहा नख'रआव बिमा-बिफा आरो सासे फंबाय दड। मनिपुरनि बिजेपि आफादगिरि अधिकारियुम भारदा देबिआ

हुंदोंदि, बे खहाआ जोबोद दुखुनांथाव आरो चिंगाखमनि जोहोलाव आखुखौ बाखनायनानै बिथांखौ मनिपुरनि गोग्गाथाव फिसाज्जला होन्ना फोरमायो। बिथाडा एक्सआव लिर्दोंदि, बिनि साहस आरो जिउ बाउनाया मनिपुरि सुबुंफोरनि गोथौ सान्नायखौ दिन्थियो। जों बिनि जोहोलाव आखुखौ मान होयो आरो बिथांनि जिउ बाउनायखौ माब्लाबाबो बावनो हाया होन्ना भारदा देबिआ बुडो। बेराफार्से कंग्रेसनि राइज्योयारि

मन्थिफोर, एमएलएफोर, राइज्यो मन्थिफोर आरो पार्टि दैदेनगिरिफोरनि सांग्रां बाहागोआरि दंमोन। राइज्यो बिजेपिनि आफादगिरि शइकियानि बोसोनाव गसिबो मन्थि, एमएलए, मिरुनि मन्थिफोर आरो गसिबो बिजेपि दैदेनगिरिफोरा बे बिसायख 'थियाव बाहागो लादों होन्नाबो बुंदों। बिथाडा मिरुनि मन्थि सर्बानन्द सनवाल, बिजेपिनि माहारिआरि नेहाथारि आरो एमपि कामाख्या प्रसाद तासा, बारग' मिरुनि मन्थि

रामेश्वर तेली आरो मिरुनि राइज्यो मन्थि पबित्र मार्गेरिटाजों लोगोसे गाहाइ दैदेनगिरिफोरनो बिथांमोननि बिहोमनि थाखाय साबायख'र होयो। शर्माआ आसामनि सुबुंफोरनिफ्राय मोन्नाय गोखों मदतनि मानखौ गाहाइ मन्थि मदिनो होयो आरो बिथांनि आसामनि फारसे अन्नाय आरो बिथांनि गाहाम हामलायथिफोरा जौंखौ थुलुंगा होयो। मदिखौ सुबुंफोरा मोजां मोन्नायाबो बिजेपि देरहानायनि मोनसे जाउन होन्नाबो आसामनि गिबि मन्थिआ बुडो।□

अरुनाचलनि आफां दिबां हाइनआव मेगा अइल पाम प्लेन्टेसन हाबाफारि लादों

हादों। बिसोरनि जाफुंसारनाया अरुनाचल प्रदेशनि गुवुन आबाद मावग्राफोरनि थाखाय मडार्न मडेल महरै नुजाथिदों। जाय

खरसा खमजोंनो मावनो हानाय आबादनि रांखान्थियारि गोहोखौ दिन्थियो।अरुनाचल प्रदेशआ भारतनि जाग्रा

थावफोरनि सायाव माहारियारि मिशन थाव पाम (एनएमइअ-अपि) आव सांग्रां महरै जौगाखांबोदों।□

मनिपुरआव रैखाथि हान्जाफोरनि गोखोडै नायबिजिरनायाव सानै केसिपि उतखारिफोरखौ हमदों

इम्फल, 12 मे: मनिपुरआव रैखाथि हान्जाफोरा उतखारि आयदाफोर, जरजुलुमै रं लानाय नेटवर्क आरो राइज्योनाडै दायनिगिरि हाबाफारिफोरनि हेंथायै गावसोरनि हाबाफारिखौ गोखों खालामो, जायनि फिथाइ महरै माखासे दायनिगिरिफोरखौ ग्रेटर खालामो आरो गारिफोरखौ नायबिजिरनायखौबो बांहोयो। थानाय 11 मेआव रैखाथि हान्जाफोरा होबथाजानाय आफाद केसिपि(पिडब्लिउजि) नि सासे एक्टिभ केडारखौ हमो, जायखौ नगांगम रबि सिंह अफें नगांबा(46) मुडै सिनायथिदों। बियो सान्जा इम्फल जिल्लानि परमपत पुलिस स्टेशननि सिखव थानाय खुरइ अंगम लेइकाइनिमोन। बियो इम्फल ओन्सोलाव थानाय माखासे थाव पाम्पफोरनिफ्राय रं लानायाव

लोब्बा दंफायोमोन।बिनिफ्राय गंसे मबाइल फनबो बोखांनो हादों। बेनि सिगां 10 मेआव गुबुन सासे एक्टिभ केसिपि केडार, बुयामापुम आरिफ खान(30) खौ थौबाल जिल्लानि लिलं पुलिस स्टेशननि सिखव थानाय लिलं उशइपकनिफ्राय हमदों। बिनिफ्राय गंसे मबाइल आरो मोननै सिमकार्ड बोखांनो

हादों। 10 मेआव मोनसे गुबुन हाबाफारिआव मनिपुर पुलिसआ दुथांफोरा गारि खावनायनि सायाव होबथानाय जाबसिन्नाय थांखिजों मोनसे जर'खा हाबाफारिनि समाव गनै खावनाय गारिफोरखौ बोखाडो।बेनि उफ्रायै हाजो आरो हायेन जिल्लाफोरनि सांग्रांथि गोनां आरो सिमना ओन्सोलफोराव नागिरनाय हाबाफारि आरो हुदा खालामो। आइन आरो आबुथिखौ लाखिनो थाखाय पुलिसआ गासै राइज्योआव मोन 109 आउट पस्टफोर गायसनो। बे आउटपस्टफोरनिफ्राय रावखौबो जिम्मायाव लानायनि खौरां मोन्नाय जायाखै।□

Lost

I have lost my original H.S. Admit card bearing Roll-0539 No.-10137 of Bodofa U.N. Brahma Senior Secondary School, Dotma.

If anybody found the same, kindly despatch to the following address.

Sibisula Basumatary
S/O.-Prosenjit Basumatary
Vill.- Ramendrapur (FV)
P.S.-Kachugaon
Dist.- Kokrajhar, BTR, Assam.

4

बिलाड़

कक्राझार, मंगलबार 13 मे, 2025

बावगार लांबाय

आं बे आबौमोननि समाव–
बर 'नि बीर
जोहोलाव दैमालु, सोमदोन
गामबारि सिख्ला
बिरखोश्री, सिखोना जोहोलाव,
हारिनि आगोमा हाथरखि,
बावगार लांनो हमबायमोन ।
गावजों गाव खौसे गैयैयाव
जोहोलावफोरनि आगोमा
बेसेन गोसा जिउआ गोमा लांदों,
गैया नाथाइ जारिमिनाव मुं ।
बावगार लांबाय हारिया
हारिनि आसारखान्थि
नौ नोगोर सिखोना जाहार
हाग्रामायाव बावखुंग्रि
दैसायाव सिखोना जोहोलावनि
बेसेन गोसा थैनि जाहाबनाय गोजा नेरसोन ।
फांसे बिफांआव दं दाबो
सिखोना जोहोलावनि
दानानै दोन्नाय थुंग्रिनि नेरसोन ।
नौ नोगोर सिखोना जाहार हाग्रया
बर 'नि खौसेथि आसार खान्थि
दाबो नेनानै दं ।

 मुस्रि थुलुंगा दैमारि जिल्ला–कक्राझार, (बिटिसि)

गोसो गोरबोनि खोथा

फोरमायहां फोरमाहाडैनो
बेसेबा गोबाव जाबाय,
खोन्दो खोन्दो दिनाबो बारलांबाय
रजे आं नोंखौं मोजां मोननाया ।
अरायबो नाजायो आं गोसोनि खोथाखौं
फोरमायनो नोंनि सिगाडव
नाथाय ,नों अनजालीआ खाथियाव फैयोब्ला
आंनि बिखाया गावो खुगाया गेववा ।
गोसोनि रावआ गोसो सिडवनो थाफिनो ।
फोरमायनो हायैआव गोसोआ
जानानै थासैल आंनि फागोला
हाबिला दं रजे गोसोआव
बे जोनोमाव आं नोंखौं मोननायनि,
सिमांबो नुदों नों अनजालीखौं लानानै
रुजु र्मु राज्यो जालांनायनि ।
हास्थायसुला गोसोआ हास्थायो
दंनायमानि अननायखौं नोंनोनो लुफावनो
गोरबोआव आं नोंखौं बजबना लानो ।
रजे नों सैबा दासै आंखौं
आं नोंखौंनो गोरबोजों मोजां मोनबाय,
साय खना लाबाय आं नोंखौंनो
जीउनि सेथि आरो जोबथि अनजाली.
नाजागोन आं जुजिगोन अरायबो
नों अनजालीनि अननाय मोननो
रजे नोंखौं अराय समनि थाखाय
आंनि जीउनि असे खालामनो ।

श्री जुथुमसार बसुमतारी
गामि– खान्थाल गुरी
जिला– ककराझार बि टि सि आसाम ।

थिनो

बिबारा अरायबो मिनिखैरो,
थिनो बियो मिनिनो ।
बेरेआ अरायबो मेथाय खनो,
थिनो बियो मेथाय खननो ।
बिफांनि दालाया अरायबो गंग्ला,
थिनो बियो देरसिननि सेराव गंग्लायनो,
फुंबिलि समाव सानआ अराय ओंखारो सानजाहा,
थिनो बियो सिखांनो आरो फोजानो ।
गाइखेर आरो दैआ गोरोबनाय अरायबो,
थिनो बियो सुबुंजों गोरोबनो आरो गोरोब होनो,
नाया थैयो अरायबो बाब्राब बाब्राब,
थिनो बियो हादरननि थाखाय बाब्राबनानै थैलांनो ।
बिफांनि बिलाया अनजाथाव सिरिगारो,
थिनो बियो गोसोनि दुखु दाहाखौं हमथाना लाखि,
दैमानि निजोरआ आरायबो बोहै लाडो,
थिनो बियो जिउनि लामायाव आवगाय लांनो ।
जोंनि बुहुमादि अरायथा थायो,
थिनो बियो सुबुंखौं सैथोयै हेफाजाब होनो ।

मुस्रि फिंखु बसुमतारी
गामि–सानजा मावरियागाव
जिल्ला–क क्राझार, (बिटिसि)

दुखुथिया आं

फैलाव समयना सोमखोर
बे मिथिंगा बिखायावनो जोनोम मोन्नाय,
आं सासे दुखुथिया सुबुं–
थसे आगोमा जिउ मोनसेजों बेंजानाय ।
गियान दंजायो आंहाबो
संसारनि गात्रि मोजांखौं बिजिरनाय;
गोसो दंजायो आंहाबो
दुखु–दाहा, हांमा–हांसाखौं मिथिनाय ।
दाबसेनिफ्राय गुबुन दाबसेसिम
दावश्रोदलांनो दंजायो आथिं थोंनै,
खामानि–दामानि मावथेब बायनोबो
दं थोंनै आखाइ, गुबुननिया जैरै ।
फैलाव मिथिंगानि हायनाम्रि महरखौबो
सिनायनो थाइनै मेगन दं;
मानसि महरै थाना थानो हानायबायदि
सोलेराव खुगा आरो गन्थं ।
नाथाइ होमब्लाबो आंहा
गोसोआव एसेबो गोजोन्नाय गैया;
गुबुनजों लोगोसैयैनो–
गोसो होसारना रंजाफानो ।
मानोना बयनिबो नोजोराव
आं सासे दुखुथिया,
मेगनाव मोदै खुगायाव खुदै
अरायबो थायो आं मिथिंगाजों गोबोरना ।

मुस्रि यैखोम दैमारि
जिल्ला–कक्राझार, (बिटिसि) ।

थांरिव

बे आंनि बेसेन गैयै
लाथिख’ जिउआ
दानसोरां जायाखिसै
जीउनि बे लामायाव ।
गोबां सान–हर, सान्दुं अखा,
बारलांबाय गिथाव बारहुंखा;
फेलें जालांबाय आंनि
रंगिना सिमाड;
बिदै ग’ला बे आंनि थांखिया ।
मोनहासयै अरगेडव जोंनाय,
आंनि खर’सा अखोराडव
नागिरो जीउनि अमूत फिथाइ ।
बुब्लिनि डेरायाव जिराइनानै
दङ आं गोसोखां–सानहाब
जीउनि जारीमिन ।
नाथाय आथिखालनि
बे बिगियान मुगायाव
फेलें जालांबाय होन्नानै थानाया
आंनिनो गेदेत गोरोन्थि जगोन ।
नेनानै थालिया रावखौंबो बुब्लिया
जीउनि रैसुमै सोरांखौं होसोनानै;
नाजानायखौं सिगाडव लानानै;
जुरिफिन्नोसैं आं
जिउनि बे थांखियाव
जिउनि बे थांखिसिम ।
जेसे दिन जीउ,
एसे दिन मिजिं ।

श्री मिथिसार नार्जारी
ला:सो:- बिशमुरि
जिला–ककराझार बि टि सि आसाम ।

आं फरायसा

गोदान मुगानि
गोदान सानथौनि
आंलाइ फरायसा
नाजागोन आंलाय सोलोंनो
रोङ्खौं रोंनो ।
फालिगोन आं जेब्लाबो
गेदेरफोरनि बोसोन,
नाजागोन आंलाइ जेब्लाबो गोरों,
गोरा जानो मिथियैखौं मिथिनो ।
मुगानि थोन्नायाव,
बुब्लिनि हांखायनायाव,
नाजागोन आंबो गेदेर गोलाव जानो
बर’ हारिखौं सिबिलांगोन आं जेब्लाबो
बुहुमाव सिनायथि होलांगोन ।
बड’फानि अराय सैथोनि
गिदिर हारि, हादत दानायनि ।
रुगुं गैयै साननाय बेनो
आंनि बुब्लि
फरायसा जिउनि ।

मिस निजिरा काख्लारी

रंजालि गथ’फोरनि सौरा

फै जों आवगायदिनि

फै जों आवगायदिनि
गोथार जिउनि थानसालिआव
मोनहैनो थाखाय
बयबो खौसेनो थांदिनि
आगान सुरदो बयबो
सहैनो थाखाय
गोथार थानसालियाव
मालायनि लामाजों
फै जों गोथार लामाजों
बयबो आवगायलांदिनि
गावनि थानानै थानायनि
लामाखौं नायगिरनानै
दाथालांसै रावबो उन जाना
आवगाय लांदो बयबो समयना
मालाय हारिया गादब लांब्ला
गावनि हारिया उन जालांब्ला
लाजि नांनांगोन
हांमा सुरनांगोन
बेनिखायनो फै जों बयबो
आवगाय लांदिनि फारि–फारि ।

मिस जुगामि ब्रह्म
सिजौं सोलोंसालि (रे.) स्कुल ।

लैथोनि रुगुंसिम

सिगांनाय आं बै लैथोनि रुगुंसिम,
हागोनदा आं मोननो बै गोसोनि हाबिलाखौं
लैथोनि फैलासेमखौं सौंसि लानानैब्लाबो
नाजागोन आं मोननो बै लैथोनि रुगुंखौं ।
सेर फाखाय–फाखाय
थैनि आबिरजों गेलेनाय बायदि
सारअन्थाय, अखा, बारहुंखाखौं नेवसिनानैब्लाबो
आंनि जिउआ जोबनानै थांब्लाबो
नाजागोन आं मोननो बै लैथोनि रुगुंखौं ।
थिवरिया हान्जानि हर्खाब बेरफूहोनाय
बमानि अरजों खामगिल होनानै हांगार जाहोनाया
लांदां बिखाखौं दोहो–दोहो खामगिल होनानै,
दाहा होलांनायनि थाखाय
बिसोरनि फारसे खिथेल होखार फिननो
नाजागोन आं मोननो बै लैथोनि रुगुंखौं ।

श्री दैथुन बसुमतारी
सिजौं सोलोंसालि (रे.) स्कुल
बिजनी ।

आगोमा दख ’ना

आगोमा दख ’ना...
हारिखौं सिनायथि होग्रा
गोजा, गोसोम, गोमो, गोथां
गाबनि महरखौं बर’ माहारिनि
सिनायथिखौं समायसार होनानै लाखिग्रा
आगोमा नों दख ’ना ।
जथुम्मा आरो बायदि फोर्बोंआव
नोंनिनो फैसालि खोबनायजों
समायना महर लायो जौसाड ।
आय ’ नों आगोमा दख ’ना,
गोमा लांनो दानाजा नों हारिनिफ्राय
लाबोनो नाड गुबुननि गाननाय–जोमनाय ।
लाफागोन बैसोखौं समाय खांहोग्रा
गोमो, गोथां, लायगां गाबआव
फारौ मेगन, थाइगिर बिबार
बायदि आगरजों समायसार
महर लायो दख ’ना फैसालिया
बिदिनो समयना महरजों मोदोमफ्रुयै
मोदोमलाडो नों दख ’नानि गाबआ ।
जुलि थिलियाव नुनो मोनो
दख ’ना थावसि गान्नाय हिन्जाव गोदान
रुयदब लाडो नों आगोमा दख ’नाजोंनो
हिन्जाव माहारिनि फेरलेबसे जिउआ ।
हाबाब । नोंखौं सिबिनो, नोंखौं फुजिनो
आखाइयाव जेबो गैया जोंहा
अब्लाबो गोमा लांनो दानाजा नों
जोंनि दावगा हांनाय बर’ हारिनिफ्राय
थाबाय था नों आगोमा दख ’नायैनो ।

मिस त्रिप्ति बसुमतारी
सिजौं सोलोंसालि (रे.) स्कुल
बिजनी ।

सान हाबनाय बादिनो

सान
हाबनाय
बादिनो
सुबुं जिउवाव
सानसे बिलिरगोन बेलासे बोथोर
जों
सुबुं
सोलेरा
अराय बोथोर
जौमोन बिलि बहा मोनबाय थानो
बे
जाबाय
गसाइनि
खान्थियारि
बेनिफ्राय रावबो बारग’ हाखाया

 –रैदोम बर’, बाक्सा

जोबि बड’लेन्ड

जेराव बर’आ जोनोम मोनबाय
जोनोमगिरि बिमानि अन्नाय
गोथार गोसो खांनाय–बानाय
गोहो साथ सुथुरजों देरहानाय,
बेनो जोंनि गोख्रों बड’लेन्ड ।

हिमालय हाजोमानि आफाडव थानाय,
सा–सानजा, सा–खोला
सिरां, बागसा, उदालगुरी, कक्राझार
अनज्लायना जायो बेवनो राइजो
बेनो जोंनि गोख्रों बड’लेन्ड ।

रं–बेरंनि बड’लेन्ड बे बिबारबारि
देरहासारगोन बे बर’ हारि
गियानि फुंखा बे हारि
आलायआरण जिउनि आलारि
बेनो जोंनि गोख्रों बड’लेन्ड ।

हिन्दु, खृष्टान, ब्रह्म खौसे बयबो
फालियो गोबां फोरबो
मागो, बैसागो, दमासि,
संक्रान्ति, बर’दिन रंजाथाइ फोरबो
बेनो जोंनि गोख्रों बड’लेन्ड ।

अनसुलि बिमा नों बड’लेन्ड
जवा बेयाव सुबुंनि आन्थोर
जानानै थागोन बे अराय गोजोर,
बेनो जोंनि गोख्रों बड’लेन्ड
आंगोनि आंगो गोख्रोंथार बड’लेन्ड

मुश्री फैलाव मुसाहारि
सिजौं सोलोंसालि (रे.) स्कुल
बिजनी ।

समा दा बेसेबां जाखो.... ?

ओइ़ ! आदा रामोन्दा
नों मिथिगौना
समा दा बेसेबां बाजिखो... ?

माथो बोथोरा दिनै गात्रिथार
सान्दुंबो नुजा हालिया
बोरै मिथिबावनो
समा दा बेसेबां बाजिखो.... ?

आफाया अफिसाव थानो
समखौंनो मिथिना मोनाखिसै
बुब्लिनि गेलेनायाव
समा दा बेसेबां बाजिखो... ?

आइआ बुंदों....
दाथांसै दिनै मावख ’सिम
नाथाय, आफाया गिदों
दिनै थाडब्ला मेनेजारा
सास्पेन्ट खालामगोन
अब्ला,
समा दा बेसेबां बाजिखो..... ?

श्री अनजाथाव बसुमतारी
सिजौं सोलोंसालि (रे.) स्कुल
बिजनी । ’

हादतआ आबुल कालाम बादि बिगियानगिरिफोरनि गोनांथि दडः बिगियानगिरि रामाराव

बेंगलुरु, 12 मे: हादतनि रेखाथि गोहो 'आकाश' खो बानायग्रा बिगियानगिरि प्रह्लाद रामारावआ रबिबारआव बुडोदि, भारतहा सा 10 आबुल कालाम दडब्ला जों संदान्नाय आरो जौगाखांनायनि फारसे गावनि नोजोराव गिदिर सोलायनाय लाबोनो हागौ। डिआरडिअआव बिबान लाबोनाय रामारावआ मिसाइल मेन आरो बारग' हादतगिरि एपिजे आबुल कालामआ दाफुनाय मिसाइल बानायग्रा हान्जानि सोद्रोमामोन। रामाराव आरो बिथानि हान्जाया 1983 निफ्राय 15 बोसोर नाजानायनि उनाव आवहावजों आबहावायावनो गावहरनो हानाय प्रग्राम आकासखौ जौगाखां होदोंमोन। आकाशआ 8 आरो 9 मेआव पाकिस्तानी मिसाइलफोर आरो डूनजों गाग्लोबनायनिफ्राय हादतखौ रेखा खालामनायनि थाखाय रेखाथि रहा गोहो महैर खामानि मावदों। रामारावआ बुंदोंदि,



भारतनि थाखाय बयनिखुड्बो देरसिन गोब्राब जेंनाया बेनोदि, जों पार्सनेली मोजां, नाथाय हान्जा महैर खामानि मावनो हाया। कालामआ बे जेंनाखौ सुस्रानायाव गोरोमोन। बिथाड आनो फोरमायोदि, थांखिखौ मोनफुंनायनि थाखाय मा बादियै हान्जानि साफ्रोम सोद्रोमानि गोहोखौ मोजाडै बाहायनो हागौ। जुदि जोंहा सा 10 कालाम थायो अब्ला भारतआ संदान्नायनि फोथाराव दैदेनग्रा जागोन। सिगांफार्से बिथाडा बुंवावोदि, जेब्ला बिथांखौ आबहावानिफ्राय आबहावायाव गावहरनो हाग्रा

मिसाइल बिथांखिनि बिथांखि-बिथोनगिरि खालामदोंमोन अब्ला गावनि बैसोआ 34 बोसोरमोन। बे थांखिखौ गाहायै एसएएम बुंनाय जायोमोन। उनाव बेनि मुंखौ आकाश दोन्नाय जायो। बेखौ मोखथां महर होनो थाखाय गावसोर हार्डवेयर, सफ्टवेयर प्रट्टाइप बानायनादों आरो बेखौ आन्जाद खालामनादों। गोखों नाजानायनि उनाव 15 बोसोरजों गावसोरनि सान्थिनो मावफुंनायै दिन्थिदों, जायखौ सान्थिआ मावनो हानाय नडा होन्ना सानोमोन।

गोदान दिल्ली, 12 मे: भारत आरो पाकिस्ताननि गेजेराव सिजफायार जाबाय। आथिखालाव अपारेसन सिन्दुरनि गेजेरजों भारतआ पाकिस्तानआव सिलिंखार सोमजिहोयो। भारतयारि सान्थिआ सिगाडाव पाकिस्तानआव एयार स्ट्राइक खालामनायै मोन 9 उतखारि के म्पफोरखौ सिलिंखार खालामो। बेराफार्से पाकिस्ताननि डून गाग्लोबनायनि फिन्नायाव न'सुंसे हादरनि मोन 11 एयारबेसखौ सिलिंखार खालामो। थांनाय सानआव सान्थिनि प्रेस कन्फारेन्सआव पाकिस्ताननि सिलिंखार जानायनि फोरमानफोरखौबो दिन्थियो। भारतयारि सान्थिआ उतखारि के म्पफोर आरो पाकिस्तान सान्थियारि ओन्सोलफोरखौ सायख' सायख' नोजोर होदोंमोन, बेनि सावगारिफोरा नुजाथिखांबाय।



थांनाय 7 मेनि हरआव स्ट्राइक खालामो। बे समाव गाग्लोबो। बेनि लिस्टआव सान्थिआ पाकिस्तानआव एयार मोन 9 जायगाफोराव पाकिस्ताननि मोनब्रै उतखारि

गाजायाव इजराइलनि बारआव गाग्लोब-नायजों सा 11 सुबुंफोरनि जिउ खहा

जेरुशालेम, 12 मे: गाजायाव गोदानै इजराइलनि बारआव गाग्लोबनायाव सा 11 सुबुंफोरनि जिउ गोमायो। जिउ गोमानाय सुबुंफोरनि गेजेराव बांसिनानो आइजोफोर आरो गथ'फोर। गुबुन मोनसे गिदिर सहर खान इउनिसनि सिडव थांनाय मोनै जायगाफोराव टेन्टआव थांनाय सुबुंफोरनि सायाव गाग्लोबदों। टेन्टफोराव थाग्रा 2-2 गथ'फोर गावसिनि बिमा-बिफाजों लोगोसे जिउ गोमादों। इजराइल सान्थिफोरनि फोरमायनाय बादिब्ला, बिसोरो खालि हामासनि उतखारिफोरखौसो थांखि बानायदोंमोन। सान्थिफोरनि



बुंनाय बादिब्ला, उतखारिफोरनि सरासनस्त्रा सुबुंफोरनि गेजेराव थाखुमानायनि जाहोनाव थांखि बानायनाय जागसिनो दड। बेनि गेजेराव गावसिनि बेंखनाव

लाजानाय नोगोरारिफोरनि रेहायनि थाखाय नारसिन्तो इजराइलआ गाजायाव जाग्रा बेसाद, लोंग्रा दै, मुलि आरो टेन्टफोरनि साफ्लाइ

गाथोनफोर बहावलपुर, मुर्दिके, सरजाल आरो पिअकेनि मोन 5 उतखारि केम्पफोरनि मुवा दंफायो। मुर्दिके खौ पाकिस्ताननि गिदिर कर्माशियेल हाब बुंनाय जायो, जेराव लश्कर-ए-तैयबानि गाहाइ मावख'आबो दंफायो। बेखौ उतखारिफोरनि नासार्बो बुंनाय जायो। 200 एकड हायाव गोसारनाय बे गाहाइ मानवख'आव उतखारिफोरनि ट्रेनि केम्प सालायनाय जायो। बेराफार्से पाकिस्ताननि पान्जाबआव थांनाय बहावलपुरआव जेश-ए-महम्मदिन बेस दड।

खोला करिमगन्ज भट सानग्रा मिरुआव दुंहाव थासारि सोमजिदों



गुवाहाटी, 12 मे: खोला करिमगन्ज भट सानग्रा मिरुआव बै समाव जेंनाया बाडो, जेब्ला सानै बिजाथिफोरनि गेजेराव भटआ समान-समान जानायनि उनाव दावराव-दावसि सोमजियो। जेब्ला भट सानफिननाया जागयो, अब्ला थासारिया गाजिसिन जानो हमो, जायनि जाहोनाव बिबानगिरिफोरनि गेजेरजों गेना-खांस्थिनि रिपट खालामनायनि उनाव पुलिसआ सानै थान्दैफोरखौ जिम्मायाव लायो।


बिसायख'थि मुखुबनि गेजेरजों जानाय बे जेंनाया हाबाफारि सायाव जिंगाखौ बांहोयो। मानोना ओन्सोलाव फैगौ बिधान सभा बिसायख'थिफोरनि थियारि खालामगासिनो दड। सुलुंनि बायदिब्ला, बे जाथाया इलियासपुर जिपि वार्डआव जायो, जेराव भट सान्ना जागायनायाव सानै गाहाइ बिजाथिफोरनि गेजेराव होबथालायनायखौ मिथिनो मोनो। बेनि फिन्नायाव बिसायख'थि बिबानगिरिफोरा

भट सानफिनो थांखि लायो। जेब्ला हमिदा बेगम चौधुरीखौ देरहासात महैर फोसावो अब्ला गुबुन सासे थान्दैआ गोब्राबै भट सानग्रा मिरुआव दावराव खालामो। नुगिरिफोरा बुंनाय बायदिब्ला, बेयाव जेंना बांनायखौ नोजोर होनानै बिसायख'थि बिबानगिरिफोरा आखाय होयो आरो वार्ड सोद्रोमाफोरनि सानै थान्दैफोरखौ पुलिसनो गथायना होयो। जायगानि बिबानगिरिफोरा खौरां होनाय बायदिब्ला,

आथिखालाव पुलिसनि जिम्मायाव दड आरो नायबिजिरनाया सोलिगासिनो दड। बे जाथायजों भट सान्नाय हाबाफारियाव गोहोम गोलैनाय नडा होन्ना बिसायख'थि बिबानगिरिफोरा खोथा होदों।

आइएमडिआ माखासे ओन्सोलफोरनि थाखाय अरेन्ज एलार्ट फोसावदों

गोदान दिल्ली, 12 मे: सोनाब बंगनिफ्राय गुजराट-राजस्तान, पान्जाब-हरियानासिम गिखंथाव गरमनि गेजेराव बोथोरआ फिन सोलायफिनसिगोन। माखासे ओन्सोलफोरनि थाखाय बारहुंखा फैगोननि सांग्रांथि फोसावनाय जादों। बोथोर बिफानआ पान्जाब-हरियानानि थाखाय अरेन्ज एलार्ट फोसावदों। बोथोर बिफाननि फासर्से निफ्राय सांग्रांथि फोसावनायाव बुंनाय जायोदि, बिहार, सोनाब बंगनिफ्राय लानानै झारखण्ड अडिशासिम फैगौ 3-4 सानसिम बिदुड दुंखावना थानो



हागौ। सा-सोनाब भारतआव 12 मे आरो गेजेर भारतआव 13 मेसिम अखा मोफ्लामनायजों लोगोसे अखा हानायनिबो एलार्ट फोसावदों। 11 निफ्राय 15 मेसिम सा-सान्जा भारतआव

गोबां अखा हागोननि सांग्रांथि होनाय जादों। बोथोर बिफाननि फार्से निफ्राय मनसुनि आपडेटबो फोसावनाय जादों। 13 मेखालि खोला आन्डामान लैथोमा, निकबर द्वीप आरो

सोनाब बंगनि माखासे बाहागोफोरनि फार्से दावखोलांनायनि एलार्टबो फोसावनाय जादों। बोथोर बिफानआ जम्प-काश्मीर, लाडाख, हिमाचल प्रदेश,

राजस्तान, उत्तर प्रदेश, उत्तराखण्ड, पान्जाबनि माखासे बाहागोफोरावबो गोबां अखा आरो सारअन्थाय गोलैनो हागौ होन्ना सांग्रांथि होदों। बिहार झारखण्डजों लोगोसे सोनाब बंग, छतिसगड़, सिक्किम, सोनाब बंगनि बांसिन ओन्सोलफोराव गोबां अखा हानो हागौ। बोथोर बिफाननि बादिब्ला, खोला भारतआवबो 11 निफ्राय 15 मेसिम प्री मनसुन अखा हानायखौ नुनो मोनगोन। तामिलनाडु, कर्नाटक, अन्ध प्रदेश, तेलंगाना बायदि खोला भारतनि राइज्योफोरावबो गोबां बार अखा फैनो हागौ।

पाकिस्तानआ भारतखौ गोजोन थासारि लाबोनो आर'ज गाबदों

गोदान दिल्ली, 12 मे: मोन 9 एयार बेसखौ सिलिंखार खालामनायनि उनाव पाकिस्तानआ भारतनि थांखिआ बेबां गिखंथाव बेखौ मोन्दाडो। भारतनि सान्थि यारि नायबिजिरनायजों गिनानै पाकिस्तानआ दावहा फोजोबनो आरो गोजोन थासारि सोलिहोनो आर'ज गाबदों। सरकारि बिबानगिरिआ बे केसआव रावबो थामथि हान्जानि आखाइ होनायनि जेबो गोनांथि गैयामोन होन्ना फोरमायो। मोखथाड आमेरिकानि गुबुन हादरयारि मन्थि मार्क रुबियाआ गुबुन हादरयारि मन्थि एस जयशंकरनो फन खालामनानै फोरमायदोंदि, भारतयारि मिसाइलफोरजों गाग्लोबनायनि उनाव पाकिस्तानीफोरा इसार मोन्दों। बे बिबुंथिआ आमेरिकानि हादरगिरि ट्रम्पनि आमेरिकानि गेजेरजों गोजोन फैदों होन्ना



दाबि दैखानायखौ लोरबां खालामो। भारतआ अखांमा रेखाथि नेमखांथिफोरनिफ्राय लानानै राडारजों केम्पफोर आरो पाकिस्तान सान्थिनि कामान सेन्टारफोरसिम मोन 8 गाहाइ फसंथानफोरनि सायाव गाग्लोबदों। बेजों इस्लामाबादआ गोदान दिल्लीजों सुथुरखौ फोजोबनो थाखाय खावलायनो गोनां

जायो। थांनाय 9 आरो 10 मेनि हरआव उधमपुर, पठानकट ओ्रो आदमपुरआव अखांमा सान्थि स्टेसनफोरजों लोगोसे मोन 26 भारतयारि केम्पफोरनि सायाव पाकिस्ताननि गाग्लोबनो नाजानायनि फिन्नायाव भारतआ बेखौ नायबिजिरो। भारतयारि सान्थिफोर थांनाय शनिबाखालि फु डाव रफिकि, मुरिद, चकलाला, रहिम यार खाल,

सुक्कुर आरो चुनियनजों लोगोसे माखासे पाकिस्ताननि सान्थियारि फसंथानफोरनि सायाव गाग्लोबफिनो। पाकिस्ताननि फसंथानफोरनि सायाव भारतनि गाग्लोबनायनि उनाव पाकिस्तानआ सुथुरखौ फोजोबनो आर'ज गाबो आरो बिसोरनि डिजिएमअआ भारतयारि डिजिएमअनो फन खालामो।

पाकिस्तानआ भारतीय पायलट बेंखनआव लानायनि बागै रोखा खालामदों

गोदान दिल्ली, 12 मे: भारत आरो पाकिस्ताननि गेजेराव दावहा दोन्थ'नायनि उनाव ससेल मिडियाआव भारतनि सासे पायलटआ पाकिस्ताननि बेंखनआव दडहोन्ना गोबां दाबि दैखानाय जादोंमोन। अदेबानि जोबथायाव पाकिस्तान सान्थिआ बे दाबि दैखानायखौ गोखोडै नेवसियो। पाकिस्तानआ गावसिनाव भारतनि रावबो पायलट गैया होन्ना बेयो ससेल मिडियानि प्रपेगेन्डाल' होन्नायैबो बुडो। दावहा दोन्थ'नायनि उनाव थांनाय हरआव पाकिस्तान सान्थिआ प्रेस कन्फारेन्स खुडो। बे समाव पाकिस्तान सान्थिनि मिडिया उईनि आइएसपिआरनि बिथोनगिरि जेनेरेल आहमद शरिफ चौधुरीआ बेनि फिन्नायखौ



होयो। प्रेस कन्फारेन्सनि समाव जेब्ला चौधुरिनाव भारतनि सोरबा पायलटआ पाकिस्ताननि बेंखनआव दड नामा? आरो थारैनो दडब्ला बिखौ बारतनो गथायगोन नामा? होन्ना सोंथि

खालामदोंमोन। बेनि फिन्नायाव जेनेरेल चौधुरिआ गावसिनाव रावबो पायलट गैया होन्ना बुडो। रावबो भारतीय पायलटआ पाकिस्ताननि बेंखनआव गैया। बेफोर गासैबो ससेल मिडियाआव

फोसावनाय नंखाय खौरांसो। बेयो गुबैयै नंखाय खौरां आरो नंखाय प्रपेगेन्डानि बाहागो, जायखौ थांनाय माखासे साननिफ्रायनो गुबुन गुबुन सुबुंफोरा गोसारहोदों।

CMYK

कक्राझार, मंगलबार १३ मे, २०२५

(□ १ बिलाइनफ़्राय)

बाक्सा बरिमाखा ओन्सोलारि(शातदल दालाय) साहित्य सभानि २६थि नै ब्योसोरारि जथुम्माया थुंगेबाय

आवरायनाय बादायलानाय जायो। उपेन चन्द्र दासनि दैदेन्नायाव साननि १:०० रिंगायाव गेवलां मेलखौ खुंनाय जादोंमोन। बे मेलखौ असम साहित्य सभानि जालाह ओन्सोलारि मावख'नि नेहाथारि नयन मणि चौधुरिआ बेखेवदोंमोन। उनाव, राइजोनि बयजोंबो अन्सायजानाय खन्थाइगिरि, थुनफावथाय लिरगिरि प्रणब कुमार बर्मना शाखा सभानि खुगा लाइसि “मिलनज्योति”, सोलोंथायगिरि, आजिरा मोन्नाय गाहाइ फोरोंगिरि नगेन चन्द्र दासनि लिरबिदां “आकांक्षाफोर आरो गुबुनफोरखौ मोनसे जौगानाय हादोर दानो थाखाय हास्थायनाय” आरो अमृत दासनि खन्थाइ बिजाब “स्पन्दन’'खौ बेखेवनानै होयो। बे बिजाबखौ फोसावनानै खन्थाइगिरि प्रनब कुमार बर्मनआ बुडोदि, बावैसो सानफोराव बुडुमआव सानफ्रोम १५ साननि उन-उन मोनसे रावआ थैगासिनो दं। बे रावआ सुबुंफोरनि खुगासिम सौहेनो लाख-लाख बोसोर नांदोंमोन। गोबां नागिरनाय आरो सावरायनायनि गेजेरजोंसो रावआ सुबुंफोरनि मोखाडव फैंदोंमोन। बेनिखायनो रावनि गोनांथिया गोबां। मोनफ्रोमबो रावनि गोनांथि दं, बेयो अब्लासो थानानै थागोन जेब्ला बयबो रावखौ गोनांथि होगोन। बिथाड बुंदोंमोनदि, दिनै असमीया रावखौ लासै-लासै असमीया गेजेर थाखो आरो गोजौ थाखोनि आय गोनां नख'रफोरा बाहायनायनिफ्राय गोजान जालांनो हमदों। असमीयानि सोलाथै इंग्रजिया बै नख'रफोराव जायगा मोनबाय। बेनिखायनो बै थाखोनि माखासे लिरगिरिफोरा दुखु फोरमायदोंदि, बिसोरो गावसोरनि राव गोमाजानायाव दुखु फोरमायनो नाजादों। खन्थाइगिरि प्रनब कुमार बर्मनआ बुडोदि, राव थैनायनि ओंथिया मोनसे हादतनि जारिमिन गोमानाय। बिनिखायनो जों गावजों लोगोसे गुबुन हारिसायारि रावफोरखौ रैखा खालामनांगोन आरो स्रैखा खालामनांगोन। बिथाड बुडे दि, बिजाबफोरा मोनसे रावखौ फोसावनाय आरो फोसावनायनि बिजों। बिजाब थाब्लासो मोनसे रावआ थानानै थागोन। बेनिखायनो जों बयबो बिजाबफोर फरायनांगोन। बिजाबफोर फरायनायानो मोनसे हादरनि रावखौ गोख्रोंसिन आरो धोनि खालामो। असम साहित्य सभानि पारमानेन्ट फाइनेन्सियेल फान्डनि लिंथुमगिरि गबिन्द कलिता, बाक्सा जिल्ला साहित्य सभानि आफादगिरि यामिनी दास तालुकदार, चन्दन मेधी, बारग' लेडाइ आफादगिरि हलधर कुमार, मुंदांछा खन्थायगिरि कमल कुमार जैनआ बे हाबाफारियाव दंमोन। बे मेलआव बरायनाय आफादनि आफादगिरि नगेन चन्द्र दास, बिटिसि मिरु सायख' आफादनि सोद्रोमा आरती बरदलै, बरिमाखा ओन्सोलारि साहित्य सभानि बारग' आफादगिरि मणि राम पाटक, मानिक दास, रन्जन तालुकदार, गकुल राजवंशी, गदाधर राजवंशी आरो गोबां मानगोनं सुबुंफोरा बाहागो लादोंमोन। असम साहित्य सभाजों साबसिन लिंथुमगिरि बान्थाजों मान होजानाय ७ समर तालुकदार आरो बावसोमनाय रादाब बुथुमनाय बान्था मोनगिरि मनहर राजवंशीखौ बे मेलआव जुनियायै मान बावनाय जादोंमोन। बेराफारसेथिं, प्रतिसिखा राजवंशी, जुरी शील, दिलिप कुमार शर्मा आरो गणेश दासनि मेथाइफोरा मेलनि एजेन्दाखौ बांसिन साननो गोनां खालामदोंमोन। रायखानो गोनां दि, गेवलां मेलनि सिगां खुंनाय थान्दै मेलआव २०२५-२७ माइथायनि थाखाय बरिमाखा ओन्सोलारि साहित्य सभानि गोदान आफादखौ थुनलाइगिरि हलधर कुमारखौ आफादगिरि आरो अमृत दासखौ नेहाथारि महरै सायख'नानै दानाय जादोंमोन।□

कक्राझार ट्राइबेल संघनि रेस्ट हाउस लुनाय खामानियाव सानै दान्थे-बिदान्थेजों लोब्बा गोनां फालांगिरिआ उतखार खालामनायनि अजद

गोख्रों अजद ओंखारदों। दिनै बे आयदाखै लानानो मोनसे खौरंगिरि मेल खुंना ट्राइबेल संघनि दैदेनगिरिफोर बे आयदाखौ फोरमायना होयो। मख'नो गोनांदि, बिटिआर सरकारआ थानाय बोसोरनि १३ नभेम्बरआव मोनसे बिथोनमानि गेजेरखों २ बिघा २ कठ १५ लेचा हाखौ ट्राइबेल रेस्ट हाउस लुनो कक्राझार जिल्ला ट्राइबेल संघनो गथायदोंमोन। नाथाय बे हा दख'रसेनि साखाथियाव जिउ खानाय कक्राझार सहरनि दान्थे-बिदान्थेजों लोब्बा गोनां फालांगिरि सन्जन पालआ कक्राझार जिल्ला ट्राइबेल संघनि मावफारिया-सोद्रोमाफोरखौ बायदि रोखोमनि गोजोन गैथै खालामनान नेवसिबोदों होन्ना कक्राझार जिल्ला ट्राइबेल संघआ दिनै मोनसे खौरंगिरि मेल खुंनानै फोरमायना होयो। बे बिथिडव गावसोर गोजोन गैथै फोरमायनानै मिबथिहोदोंदि, गावसोरनो रेस्ट हाउस लुनो थाखाय गथायनाय हा दख'रसेआव आगुनिफ्राय गंसे बांला न', आसाम टाइफ थाप्रा गंसे न'जों लोगोसे आरोबाव गं ३-४ सो न' दड्मोन। नाथाय ट्राइबेल संघआ रेस्ट हाउस लुनायनि थाखाय बे हा दख'रसेखौ मोन्नायनि उनावनो साखाथि सिमनायाव जिउ खानाय दान्थे-बिदान्थे गोनां फालांगिरि चन्दन पाल आरो बिनि फंबाय सन्जन पालआ गंफा-गंफायै न'नि ग्रिल, सोरगिदिं बेंखननि वालनि ग्रिल, लहानि गेट, रेलिं, टिं, दर्जा, खिरिखनि बायदिफोरखौ खावनायजों लोगोसे न'नि सिडव उतखार खालामनानै न'नि थासारिखौ जोबोद गाग्रि खालामो। बे जाथाया ट्राइबेल संघनि दैदेनगिरिफोरखौ दुखु मोनहोदों आरो गावसोर बेनि सोमोन्दै कक्राझार पुलिस थानायाव मोनसे केस थिसन्दों। बेनि सोमोन्दै पुलिसआ संदाना ट्राइबेल संघनि दैदेनगिरिफोरनि नुजाथिफैनायाव खावनाय मुवा-बेसादफोरखौ सन्जन पालनि न'निफ्राय कक्राझार पुलिसआ बोखानो हादों। नाथाय खाफाल गाग्रि महरै बेनि उनावबो जायखि जाया सोमोनांहोनाय फालांगिरि सन्जन पालखौ हमनायनिफ्राय जानगाराव थायो। जाय जाथाया कक्राझार जिल्ला ट्राइबेल संघखौ सोमोनांहोदों। दिनै खौरंगिरि मेलाव कक्राझारआव कक्राझार जिल्ला ट्राइबेल संघनि दैदेनगिरिफोरा पुलिसनि हेंथायै दायनिगिरिखौ रैखा खालामनायनि अजद दैखानानै मिबथि होदोंदि, बे गथायनाय हायाव ट्राइबेल संघआ आथिखालाव ट्राइबेल रेस्ट हाउस बानायनायनि खामानिखौ जागायजेनबाय। नाथाय बेबादि समाव चन्दन पाल आरो फंबाय सन्जन पालमोनहा बायदि रोखोमनि उतखार खालामबोनायाव गावसोरनि लुनाय खामानियाव जेंना-जेंसिजों मोगा-मोगि जानो गोनां जादों होन्ना दुखु फोरमायो। मख'नो गोनांदि, हा गथायनायखौ आजावना लानायजों लोगोसेनो जखा सुनाय समनिफ्रायनो फालांगिरि सन्जय पालआ ट्राइबेल संघनि दैदेनगिरिफोरखौ बेयो जौनि हा होन्ना दाबि खालामनानै आइन बेरैखायै गथायनायखौ मोन्दों होन्ना गोसो मेलेमारि महरै उतखार खालामबोदों होन्ना अजद होदों। गुबुन फारसे बिथिडव थि राहा लानो कक्राझार ट्राइबेल संघआ खुंथायनिसिम दाबि दैखानायजों लोगोसे पुलिस बिफानखौबो गाव-गावसिनि बिबानखौ फालिनो थाखाय खावलायदों।□

हादतनो होनाय बिबुंसाराव गाहाइ मन्थिआ सान्थि हान्जा, सुरां एजेन्सि आरो गोनोखोगिरिफोरनो हादतनि नौनारिनि जानानै साबायख'र होदों

बादाफोरखौ गावखुबनाय जादोंमोन। बेनि उनाव पाकिस्ताना खुद्रिखानानै भारतआव मोन ४०० नि बांसिन ड्रन गावहदोंमोन। नाथाय भारतआरि एयार डिफेन्सआ गासैबो ड्रनफोरखौ लाथख'आवनो गावखुबनानै सिलिंखार खालामजोबदों। सानब्रै नाडै सोलिनाय बे दुहाव थासारिनि उनाव शनिबार बेलासि समआव दरनै हादतनि गेजेराव सीजफायरनि खालामनायबो जायो। गाहाइ मन्थि मदिआ बुंदों- उतखारिनि हेंथायै भारतनि खान्थियानो जादों अपारेसन सिन्दुर। भारतआ जायखि-जाया निउक्लियार ब्लेकमेलखौ सहायनानै थाया। गाहाइ मन्थिआ बुंदों- जोडे उतखारिफोरनि हेंथायै सान्थ्रिनि गाग्लोबनायखौल' दोन्थदों। जौनि मोनथामबो सान्थ्रि हान्जा आरो बिएसएफआ अरायबो गोख्रों सांग्रांथियाव दड। जेब्ला जौनि सान्थ्रि हान्जाया अपारेसन सिन्दुरनि गेजेरजों उतखारिफोरनि बादारखौ गाग्लोबनानै सिलिंखार खालामो अब्ला पाकिस्ताना उतखारिफोरजों गसंफादों। उतखारिफोरनि हेंथायै नानाय दावहानि सायाव खिथेर लानो पाकिस्ताना जौनि हेंथायै दावहा होदों, नाथाय जों पाकिस्ताननि सना सायाव दावहा नांदों। बिथाड बुडे-थानाय सानआव जोडे हादतनि गोख्रोंथि आरो हमथानो हानाय गोहोखौ नुनो मोन्दों। बेनि थाखाय गाहाइ मन्थि मदिआ गिबियावनो भारतनि बीर सान्थिफोर, रैखाथि हान्जाफोर, जौनि सुरां हान्जाफोर आरो गोनोखोगिरिफोरखौ साफ्रोमबो भारतआरिफोरनि जानानै सैल्युट होयो होन्नानै बुडे। अपारेसन सिन्दुरनि जाफुंसारनाय फैनायनि उनाव गाहाइ मन्थि मदिआ बुडे-उतखारिफोर जौनि हादतनि बिनानावफोरनि खाफालनि सिन्दुर खोमोरदों, बेखायनो जों बिसोर उतखारिफोरनि बादारखौ सिलिंखार खालामदों। हादतनो होनाय बिबुंसारआव गाहाइ मन्थि मदिआ बुडे-दिनै रैखाथि हान्जानि बे रोखोम गिनो रेडे बीर आरो साहसखौ जौनि हादतनि साफ्रोमबो बिमा, हादतनि साफ्रोम बिनानावफोर आरो हादतनि साफ्रोमबो फिसा हिन्जावफोरनो बाउहरो। अपारेसन सिन्दुरनि उनाव मुलुगआनो जौनि गोहो आरो हमथानाय गोहोखौ नुनो मोनबाय होन्नानैबो गाहाइ मन्थि मदिआ बुडे।□

कक्राझारनि बयजोंबो सिनाय जानाय समाज सिबियारि आो फाहामगिरिडः अर्थीरकुः ब्रह्मनि जिउ गोमानायाव दुखु साग्लोबदों

बिजाब दिहुन्नायजों लोगोसे गोबां सावरयमा लाइसि, गोसोर्खांथि लाइसिफोरावबो बिथानि बाइदिसिना लिरबिदांफोरा सेबखां जादोंमोन। ब्रह्म धोरेमनि सासे सिबियारि आरो मावथि डाः ब्रह्मआ थैनाय समआव अन्जालि बिसिजों लोगोसे सानै फिसाजो-बिजामादै आरो गोबां बाहागि-खुरमाफोर बे संसाराव नागारनानै थाडे। कक्राझार जिल्ला देहा बिफाननि जुथाय बिथोनगिरि जानायनि उनाव राइज्यो सरकारनि देहा बिफाननि उफ्रा देहा बिथोनगिरि महरै बिथाड आजिर लायो। दासान्दि बिथाड दुलाराय भारतआरि फाहाम सिबिथाय बिफाननि कक्राझार दालाइनि आफादगिरि बिबानाव दड्मोन। बिथाड बिद्यापीठ गोजौ फरायसालिनि सामलाय आफदनि आफदगिरि, बर' लिरिगिरि गौथुमनि आफदगिरि, कक्राझार सहर ब्रह्म कामितिनि बोसोनगिरि, बर' थुनलाइ आफदनि जिउनां सोद्रोमा,गुर्देब कालीचरण ब्रह्म न्यासनि जिउनां सोद्रोमा, बर'साखिआवला थुनलाइ समाजनि आफदगिरिखौ लानानै बाइदिसिना समाजआरि फसंथानफेरजों लोब्बा थानानै बिथाड गावनि बिबानखौ फालिलांदों।□

कक्राझारआव फाहामथाय लाबाय थानाय समाव सासे सुबुड सोमोनांथावयै जिउ गोमादों

सोमोनांथावै सासे बेराम जानाय सुबुंनि गोथै सह'खौ बोखानो मोन्नायाव गोख्रोडै फिनजाथाय सोमजिदों। मिबथि मोन्नाय बादि्यै रंसारि जानाय सुबुंखौ कक्राझार थानानि सिडव थानाय डिमोलगावनि रबेन राय (४०) होन्नानै सिनायथिनाय जादों। ताइपइड बेरामजों सनदेर जानानै रबेन रायआ माखासे साननाडै कक्राझार फाहामथाय फरायसालिमा आरो फाहामसालियाव फाहामथाय लागासिनो दड्मोन। दिनै फाहामसालि बिफानआ बिखौ फाहामसालिनिफ्राय रिलिज होनायनि बाफ्रा होदोंमोन। नाथाय खाफाल गाग्रि महरै दिनै फुडव कक्राझार फाहामथाय फरायसालिमा आरो फाहामसालिनि सोनाब फरसे थानाय गोरं दैसानि सेरव रबेन रायनि गोथै सह'खौ बोखानो मोन्नायाव गासै फाहामसालियावनो हालाय-हाफाय जायो। फुर्नि ४:०० रिासोआव फाहामसालिनि बेंखनाव मोब्लिव फोनांजाबनाय बन्द' जानाय समाव सोमजिनाय बे जाथायखौ खायसे सुबुंफोर गावखौ बुथारना लादों होन्ना सन्देह खालामदोंँलाबो गुबैयै जोबोद जौ लोंप्रा रबेन रायआ खारखुमालांनो नाजानानै खाफाल गाग्रि महरै अबथिरयै रंसारि जायो होन्ना फाहामसालि बिफानआ मिर्जिथिनाय फोरमायो। मख'नो गोनांदि, फाहामथाय फरायसालिमा आरो फाहामसालिनि गेजेराव मोनसे करिदर दड्ब्लाबो बे करिदरनि जोबहेनायाव जायखि जाया दरजा एबा वाल गैया, जायनि थाखाय खोमसिनि खाबु लानानै खारखुमालांनो नाजानाय रबेन राय मुंनि बेराम जानाय सुबुड करिदरनिफ्राय गोर्लेनानै जिउ गोमादों। मख'नो गोनांदि, कौटि-कौटि रां बाहायमानै लुनाय फाहामथाय फरायसालिमा आरो फाहामसालि गंसेनि लुनाय खामानियाव बेबादि रोखोमनि बेले-बेजेआ मानो थालांखो बेखौ लानानैबो राइजो-रजाफोरनि गेजेराव गोख्रों सावरयनाया जागायजेन्दों। गुबुन फारसे जायखि जाया खामानि मावै रबेन रायआ जिउ गोमानाय समाव लामानि साखाथियाव गला होनानै जिउ खानानै बियो बिसि आरो सासे ७ बोसोर बैसोनि गथ'साखौ बे संसारनिफ्राय नागरलाडे।□

दुलाराइ बर' आइजो अन्साइ आफादआ २३थि बर' बिमा सान फालिदों

समाव आफादनि गोथार फिर्फिलाखौ बिरहोयो दुलाराइ बर' आइजो अन्साइ आफादनि आफादगिरि दिपाली नार्जारिआ। लोगोसे बर' हारिनि गिबिसिन आइजो मुंख्चं हेलेना बसुमतारि आरो गाइडे बसुमतारिनि सावगारियाव बिबार बाउनायजों लोगोसे बर' बिमानि मुसुखा बेखेवनाय जायो। मुंख्चं खाम्फायाव बिबार बाउजेनगिरि महरै बाहागो लायो दुलाराइ बर' आइजो अन्साइ आफादनि बारग' आफादगिरि मिथिंगा बसुमतारिआ। बेनि उनाव बर' बिमानि अन्थाइनि मुसुकाखौ फिथा हास 'नानै बेखेवनानै होयो आबोफनि बोसोनगिरि बिबा रानी नार्जारि आरो बिटिआरनि मावफुं सोद्रोमा रेनेद्र नार्जारिआ। दिनैनि बर' बिमा सान फालिनायनि लोब्बायैनो सान्जोंफु समाव मोनसे गेवलां मेल हाबाफारि लानाय जायो। आबोफनि आफादगिरि दिपाली नार्जारिनि मासि लानानै दैदेन्नाय दिनैनि बे गेवलां मेलनि हाबाफारियाव मेल बेखेवगिरि आलासि महरै बाहागो लानानै गेवलां मेरलखौ बेखेवनानै होयो बिटिआरनि मावफुं सोद्रोमा रेनेन्द्र नार्जारिआ। गेवलां मेलआव बर' सोमावसारनायनि गिबिसिन आइजो मुंख्चं हेलेना बसुमतारि आरो गाइडे बसुमतारिमोनहा हारिनि थाखाय बिहोमा होलानाय आरो बड'लेन्ड सोमावसारनायाव बिथांमोननि बिफावनि सोमोन्दै थांखिजानाय बुंथिगिरि आलासि बिथांमोनहा गेबैडे बिबुंथि लाखिलांखे। लोगोसे आथिखालाव मोनसे गोग्गो समाज आरो गोख्रों नख'र दानायाव आइजो एबा बिमा माहारिया माबादि बिफाव लानांगौ आरो आथिखालाव आइजो माहारिनि थासारिा बेसेबां जौगानो हाखो बेफोर गोनां बाफ्राफोरखौ गेवलां मेलनि गेजेरजों बुंथिनानै होयो हांख्रायजानाय माननि आलासि बिथांमोनहा। दिनैनि बे बिमा सान फालिनाय हाबाफारियाव हांख्रायजानाय आलासि महरै आथोबनि बारग' गाहाइ नेहाथारि कमलि रानी बसुमतारि, बर' थुनलाइ आफादनि लेडाइ आफादगिरि निलीमा बसुमतारि, आबोफनि बोसोनगिरि मिथिंगा बसुमतारि आरो बिबा रानी नार्जारि, बोखावजायै कामरुप जिल्ला आथोबनि गायसनगिरि-आफादगिरि रैखामुति दैमारिजों लोगोसे गुबुन गोबां आइजो आरो बिमाफोरा बाहागो लानायजों सानसेनि हाबाफारिजों खुंनाय बे २३थि बर' बिमा सान फालिनाय हाबाफारिया मेहेरगोनाडै जोबलाडे।□

गसाइगावआव बर' बिमा सान फालिदों

फसंथानआ बर' बिमा सान महरै फालिबोदों। बर' बिमा साननि हाबाफारियाव एमएलए रबिरम नार्जारीआ हांख्रायहरजानाय आलासि महरै बाहागो लाफैनानै गावनि बिबुंथियाव बर' बिमा साननि बे जर'खा सानखौ लानानै मख'जाथाव बिबुंथि लाखियो। बर' आइजोफोरनि जिउ बाउनायनि थाखाय दिनै बे सानखौ बर' बिमा सान महरै फालिबोनाय जादों। हाबाफारियाव समाज सिबियारि उइलियाम नार्जारीजों लोगोसे ओन्सोलनि माखासे जर'खा सुबुंफोर, आबोफनि मावफारिया-सोद्रोमाफोरा बाहागो लाफैदों।□

गुवाहाटी उरां जाहाज गाथोनाव ‘गुवाहाटी मेरियत रिजर्ट एन्ड स्या’ आरो ‘फेयारफिल्ड बाइ मेरियत गुवाहाटी’ नि हा फुजा होनाय हाबाफारि

गुदि-बिथा लुनाया आसामनि हटेल, आलासि बरायनाय आरो दावबायारि खोन्दोनि जौगाखां होनायनि फारसे जोबोद गोनांथार थांखि लानाय जादों। बे गुदि-बिथा जौगाथाया आसामनि रंखान्थि-समाजआरि जौगाखांनाय आरो गासै जौगाखांनायाव गुवारै गोहोम खोख्तैगोन होन्नानै गिबि मन्थि बे बिथांखिजों लोब्बा थानाय मेरियत ग्रुप आरो जनाली कनस्ट्रक्सन प्राइभेट लिमिटेडखौ साबायख'र बाउदों। बिथाड बुंदोंदि, जौनि राइज्योसिम थानाय ४ बोसोराव गोखै गोजोननि थासारिया फैफिन्दों। जेब्ला दरसे राइज्योआव गोजोननि थासारिया सोमजियोब्ला गुबैयै बे राइज्योआव जौगाखांनाया फैयो। थानाय बोसोरफोराव राइज्योनि सोरगिदिं जौगाखां होनो थाखाय जोडे थांखि लादों होन्नानै गोजोन आरो जौगाखांनायनि उनाव सरासनस्त्रायै बे राइज्योआव मोनसे उद्यगआरिनि थासारिया जागायजेन्दों। बिथाड लोगोसे बुंदोंदि, उद्यगआरिआ सुबुं जिउसिम मोनसे रंखान्थियारि गोख्रोंथिखौ लाबोनायजों लोगोसे खामानि गैयै सेंप्रा-सिख्लाफोरनि गेजेराव मिर्जिथिनायखौ लाबोयो। थानाय ४ बोसोराव जौनि राइज्योआव बमा बेफ्रुहोनाय, गुलि गावनाय जाथाय, बुथारनाय, लांखारनाय बायदि जाथायफोर गुबैयै सोमजियाखै होन्ना बिथाड बुडे। राइज्योनि सोरगिदिं जौगाखांनायनि गोख्रैथिखौ साफ्रोमबो नुनो मोन्दों होन्नानै बिथाड बुंदोंदि, गासै जाथाय बोहैथिनि खाबु लानानै राइज्यो सरकारआ आसामनि उद्यग खोन्दोखौ सिगांलांहोनो नाजादों। गिबि मन्थिआ बुंदोंदि, बे नाजानायखौ लोब्बा लानानै राइज्यो सरकारआ एडभान्टेज २.० खौ खुंदोंमोन आरो एडभान्टेज आसाम २.० अव जनाली कनस्ट्रक्सन प्राइभेट लिमिटेडआ गुवाहाटी उरां जाहाज गाथोननि साखाथियावनो गनै हटेल लुनाय गोरोबलयानाय रादायाव मुंसायलायनाय जादोंमोन। गुबुन गुबुन थाखोफोरखौ आबुं खालामनायनि उनाव दिनै बे गनै हटेलखौ हाबाफारि बादि्यै लुनायनि खामानिया जागायजेनबाय होन्नानै बिथाड बुंदोंदि, राइज्योआव दावबायारि ओन्सोलनि थाखाय बेयो मोनसे मिर्जिथिजाथाव खौरं जादों। गिबि मन्थिआ बुंदोंदि, राइज्योनि हस्पिटैलिटि खोन्दोआव मुलुगनां थाखोनि खाबु गोनां महरै लुफुंजानो गोनां गुवाहाटी मेरियत रिजर्ट आरो स्याआव गासै मोन १९६ खथा आरो फेयारफिल्ड बाय मेरित गुवाहाटीआव मोन २८८ खथा थानायजों लोगोसे आन्डरग्राउन्ड आरो अपेन पार्किनि खाबु गोनांजों लोगोसे बेयाव बलरुम आरो लांदं लन ओन्सोलफोरजों लोगोसे गेदेत मोजां खाबु थागोन। बे बिथांखिखौ ३६-४८ दाननि गेजेराव आबुं खालामनायनि थांखि आजावदों। गुवाहाटी उरां जाहाज गाथोननि साखाथियाव थानाय बे बिथांखिआ आसामनि दावबायारि बिथिडव गोदान गोख्रैथिखौ लाबोगोन होन्ना बिथाड बुंदों। गिबि मन्थिआ बुंदोंदि, मोनसे समाव सुबुंफोरा जुलनि हाबाफारिफोरखौ गाव-गावसिनि न'आव एबा राइज्योआरि जायगयाव खुंदोंमोन। लासै-लासै गोदान सानखांथि मोनसे सौफैदों 'डेस्टिनेसन वेडिं'। बिथाड लोगोसे बुंदोंदि, गिबियावनो डेस्टिनेसन वेडिंखौ लानानै भारतनि सेंप्रा लाइमोनफोरा बेंकक, मालयेसिया बायदि जायगयाव खुंदोंमोन। गाहाइ मन्थि नेरेन्द्र मदिआ राइज्योफोरखौ खावलायदोंमोनदि, भारतआवनो डेस्टिनेसन वेडिंनि थाखाय आरजाथाव जायगा दड आरो बेखौ आरजाथाव महरै बाहायनो हायो। गाहाइ मन्थि मदिआ 'मन की बात' हाबाफारियाव गोबां खेब बे बाफ्राखौ मख'दोंमोन। लासै-लासै राजस्थानजों लोगोसे भारतनि गुबुन गुबुन राइज्योफोराव डेस्टिनेसन वेडिंआ सोमजिदों। थानाय बोसोराव गुवाहाटीआव मे प्यार रिजर्टआव हारियाणा, कर्नाटक, उरिष्था बायदि राइज्योफोरनिफ्राय सुबुंफोरा आसामसिम फैनानै जुलनि हाबाफारि खुंदों होन्ना बिथाड बुडे। हौवा गोदान-हिन्जाव गोदानआ आसामनि नडब्लाबो बिसोर जुलनि हाबाफारिनि थाखाय आसामसिम फैदों। गिबि मन्थिआ बुंदोंदि, एडभान्टेज आसामनि समाव रिजर्टनि बुकिंखौ बन्द' खालामनानै राइज्यो सरकारआ आलासिफोरखौ लाखिनो थाखाय राहा खालामनायनि समाव दिल्ली, मुम्बाइ बायदि गुबुन गुबुन ओन्सोलनिफ्राय फननि गेजेरजों बुकिंखौ बन्द' खालामोब्ला बिसोरो गोबां जेंना-जेंसिजों मोगा-मोगि जानांगोन होन्नानै फोरमायदों। गुवाहाटी उरां जाहाज गाथोननि साखाथियावनो लुजानो गोनां बिथांखिया जाफुंसारगोन आरो मोजां फालांगि मावनाय लोगो-लोगो राइज्योआव गोबां खाजोना फैगोन। गिबि मन्थिआ बुंदोंदि, आसामाव जुलनि हाबाफारि खुंनो थाखाय फैनाय नख'रफोर जुलिजों लोगोसे सरासनस्त्रायै काजिरड, मानास आरो कामाख्या बायदि दावबायारि जायगाफोरवबो दावबायहैगोन। आसामाव जेसेबां आसालिफोर फैगोन आरो बिसोरो बेसेबां खरसा खालामगोन आसामनि जिडिपिआबो बांगोन। राइज्योनिफ्राय बायजोआव थाडेब्ला नुनो मोनोदि, आसामनि बायदोआव हटेलफोरनि डेक्स आरो सिकिउरिटि बायदिआव असमीया हौवासा-हिन्जावफोर खामानि मावबोगासिनो दड। गिबि मन्थिआ बुंदोंदि, उद्यग जायोब्ला उद्यगगिरिफोरा जेसेबां मुलाम्फा जायो खामानिनि सेंप्रा-सिख्लाफोरा बेनिख्रुइ बांसिन मुलाम्फा जायो। रां थानाय साबाइ सुबुड आसामाव उद्यग गायसनो हास्थायोब्ला बिसोरनो जोडे उद्यग गायसनहोयाब्ला बिसोरो गुबुन राइज्योआव थांगोन, बेबादियाव आसामआ खहा जागोन। बे हटेलनि गेजेरजों गासै ५०० नख'रआ थोंजों आरो खेंसालियायै मुलाम्फा जागोन होन्नानैबो बिथाड मख'दों। बे जायगायाव लासै-लासै जोबोद मुलाम्फा गोनां जागोन होन्नानैबो गावनि बिबुंथियाव बिथाड मख'दों। आसामनि गोदान जोलैआ जेसेबां सिगांलांगोन, बेयो गोग्गाथावनि आयदा जागोन होन्नानै गिबि मन्थिआ जनाली कनस्ट्रक्सन प्राइभेट लिमिटेडखौ साबायख'र बाउनायजों लोगोसे आसामनि राइजो-रजाफोरखौ उद्यगफोरखौ बोजबना लानो थाखाय खावलायो। मानोना आसामनि खामानि गैयै जेंनाखौ सुखानो हायो। दिनैनि हाबाफारियाव एमपि बिजुलि कलिता मेथि, एमएलए रमेन्द्र नारायण कलिता, हेमांग ठाकुरियाजों लोगोसे जनाली कनस्ट्रक्सन प्राइभेट लिमिटेडनि सामलाय बिथोनगिरि अनिल दास आरो माखासे मान गोनां सुबुंफोरा बाहागो लाफैदों।□

दरखै गामियाव मोब्लिव सिबिथाइ राहा बेखेवनानै होदों एमएलए लरेन्स इस्लारिआ

थाखाय मोब्लिव जगायनायनि राहाया दिनैनिफ्राय जागायबाय। जाय जेंनाया बोस्त्रांजानाय लोगो-लोगोनो गामिनि थागिबि राइजो-रजाफोरनि जिउ खुंनाय बिथिडव सोरांनि हेफाजाब मोनसिगोन। मख'नाय जायोदि, ३० नं सान्जा कक्राझार बिधान सभा बियाबनि एमएलए लरेन्स इस्लारिआ दिनै महिन्द्रपुर भिचिडिचिनि सिडव थानाय दरखै गामि फारियै- धोनपुरि, सान्जा महिन्द्रपुर, सुरशाकाता आरो ९नं महिन्द्रपुर गामियाव गिबि खेबनि थाखाय अनग्रिड मोब्लिव सिबिथाइनि राहाखौ बेखेवनानै होनाय जायो। गोबाव बोसोरनिफ्राय राइजो जाबोनाय बे दरखै गामिनि मोब्लिवनि जेंनाखौ बोस्त्रांनानै होनो मोन्नानै गोजोन्नायजों बे मोब्लिव सिबिथाइ राहाया बे गामिनि राइजो-रजाफोरनि जिउ खुंनायाव सोरां लाबोनानै होफैगोनखौ मिर्जिथिनाय फोरमायो एमएलए लरेन्स इस्लारिआ। लोगोसे बे खामानिखौ राइजो-रजाफोरनि थाखाय मावफुंनानै होनायाव हेफाजाब खालामना होनायनि थाखाय कक्राझार सार्केल मोब्लिव सिबिथाइ बिफाननिसिम साबायखर जासियो। बेराफासै दरखै गामिनि राइजो-रजाफोरा गोबाव बोसोरनि उनाव गावसोरनि मोब्लिवनि जेंनाया बोस्त्रांजानायखौ लानानै गोजोन्नायजों एमएलए लरेन्स इस्लारिनिसिम साबायखर जासिदों।□

एमएलए पनिधर तालुकदारआ मानास बियाबाव माखासे जौगाखाडारि खामानिनि अन्थाइ खाम्फा गायसन्दों

बियाबनि बारपेटा दौल गबिन्द नामघरनि मेल जथुमसालि, लाबदांगुरि कालि मन्दिरआव मेल जथुमसालि, सावदरभित्ता कालि मन्दिरनि मेल जथुमसालिनि अन्थाइ खाम्फा गायसनो एमएलए भनिधर तालुकदारआ। जौगाखांनाय खामानियाव अन्थाइ गायसन्नानै एमएलए पनिधर तालुकदारआ राइज्योनि गिबि मन्थि ७ हिमन्त बिश्व शर्माखौ साबायख'र बाउयो। एमएलए तालुकदारआ बुंदोंदि, मानास बिधान सभा बियाबाव जौगाखांनायनि थासारि सोमजिदों। माखासे खामानिखौ गोथारै बेखेवनायजों लोगोसे गुबुन मोजां-मोजां खामानिफोर मावफुंजाबय। जों मानास बियाब जौगाखांनायनि खामानियाव ओंखारदों। राइजो-रजाफोरा हेफाजाब हो, जौनि बियाबखौ जों गोबां सिगांलांहोनो आद्रा दड। बियाबनि गासैबो लामाफोरखौ पाक्कानि खालामनाय जाबाय। माखासे लामानि खामानिया आथिखालाव जागायजेनबाय। फैगौ सानाव मानास बियाबनि गासैबो लामाफोरखौ पाक्कानि खालामनाय जागोन। जेराव लामा लुनायल' नड, सोलोंथाय आरो देहा बिथिंनि फारसेबो जोडे गोनांथि होबोदों होन्ना एमएलए भनिधर तालुकदारआ गावनि बिबुंथियाव मख'दों।□

गाहाम देहानि राहा

देहायाव माखासे बेरामफोर जादोंब्ला सामब्राम गुफुरनिफ्राय जानगाराव थानांगौ

भारतआव माखासे ँरैबायदि मैगं दड जाय जौनि देहाखौ फिट लाखिनायाव गोबां मदत होयो जायनि गेजेराव सामब्राम गुफुरआबो मोनसे। सामब्राम गुफुरआ मोनसे ँरैबायदि मुवा, जायखौ गासैबो जाग्रा आदार संनायाव बाहायो। सरासन्हा जाग्रा आदार संनायनिफ्राय लानानै गोरान जाग्रा आदारखौ बानायनायावबो बेखौ बाहायनाय जायो। सामब्राम गुफुरआ बेरामफोरजों जुजिनायावबो मदत होयो। जाय सुबुंफोर सामब्राम गुफुरखौ जायो, बैसोर सुबुंफोरनियाव बेरामफोरा थाबैनो नासिन्नो हाया। सामब्राम गुफुरखौ आयुर्भेदिक मुलिबो बुंनाय जायो। बेयो गोबां बेरामफोरजों जुजिनायनि गोहोबो होयो। सामब्राम गुफुरआ देहानि इमिउनिटिखौ बांहोयो नाथाय माखासे सुबुंफोरा सामब्राम गुफुरनिफ्राय जानगाराव थानांगौ।

गुसु बोथोरनि समाव सामब्राम गुफुरआ आयुर्भेदिक मुलिनि महरै हाबाफारि मावो, जाय जौनि देहायाव मुलाम्फा



होयो। नाथाय गरम बोथोरनि समाव बेखौ गोबां बिबाडव जानाया गाहाम नडा। फोरमायनाय बायदिब्ला, सामब्राम गुफुरआ गोबां गरम जायो। बेनिखायनो गरम बोथोराव बेखौ बाडय जानांगौ आरो गुसु बोथोरनि समाव गोबां जानांगौ। जेब्ला जाग्रा आदारआव सामब्राम गुफुरखौ होयो अब्ला स्वादआ सोलायो। नाथाय बेखौ थोजासे बिबाडावल' बाहाय नांगौ। देहायाव गोबां बिबांनि सामब्राम गुफुरआ हाबलाडोब्ला बेयो नोंथांनि थाखाय बेरामखौबो लोबोनो हागौ। बेनिखायनो बेखौ जानायनि सिगां बेनि सोमोन्दै मोजाडै खौरां लानानै जानाया

गाहाम। आयुर्भेदिक डक्टरफोरनि बायदिब्ला, हाइ ब्लाड प्रेसार, एसिडिटि, गेस, उदै आलौनाय, खिनायाव जेंना सोमजिनाय बायदि जेंना गोनां सुबुंफोरा सामब्राम गुफुरखौ जानाड। बे बायदि खालामोब्ला ब्लाड प्रेसारा गोखैयै बांनो हागौ। जायजों गोबां खेब हार्ट एटाकनि जेंनायाबो सोमजियो। जुदि उदैआ आलौओब्लाबो सामब्राम गुफुरखौ जानाया गाहाम नडा। बे बायदिआव सामब्राम गुफुरखौ जायोब्ला बेरामा बांनो हागौ। हाइ कलेस्ट्रलनि बेरामिफोराबो सामब्राम गुफुर जायोब्ला जेंनाजों भुगिनाडो।

राजेश खान्नाखौ हिन्दी सावथुननि गिबिसिन सुपारस्टारबुंनाय जायो



राजेश खान्नाखौ हिन्दी सावथुननि गिबि सुपारस्टार होन्ना बुंनाय जायो। बिथानि एक्टिनि सायाव बयबो बोदोर जायोमोन। नाथाय 1980 आव जेब्ला 'रेड रज' सावथुनाव बिथाड सिरियाल किलार जानानै नुजाथियो अब्ला अन्साय गिरफोरा। गोमोहाबदोंमोन। सेन्सार बर्डआबो बे सावथुनखौ गनायथि होनो हायाखैमोन आरो बेखौ बे खालामनो थांखि लादोंमोन। 'रेड रज' सावथुना गुवैयाव तामिल सावथुन सिगाप्पु रजाक्कलनि हिन्दी रिमेकमोन, जेराव कमल हासन आरो श्रीदेबिआबो दडा। हिन्दी भार्जनआव राजेश खान्ना आरो पुनम हिल्लनआ गाहाइ फावआव दडमोन। मुजिथावना बाथ्राया बेनोदि, मोन्नैबो सावथुननि लिरगिरि आरो बिथोनगिरिआ भारतिराजामोन। बे सल'खौ 1960 माइथायनि गिख्रंथाव सिरियार किलार रमन राखबनिफ्राय थुलुंगानाय होन्ना मिबथिनो मोनो। राजेश खान्नानि केरियारआ बे समाव माखासे जेंनाजों जुजिनांगसिनो दडमोन। बेनिखायनो बिथाडा रेड रज बायदि सावथुनफोराव खामानि मावनायनि गेब्राब थांखिखौ लानो गोनां जादों। सावथुनाव बिथानि फावआ आनन्द मुनि सासे थोनि सुबुं नाथाय मेन्टेलि राम जानाय बिजनेसमेनमोन, जाय आइजोफोरखौ मोजां मोन्नायनि फाखनाव खोखैयो आरो उनाव बिसोरखौ इनायै बुथारो। आनन्दनि जिउआ जेब्ला शारदाजों लोगो मोनलायो अब्ला सोलायनो हमो। बिथाडा

शारदाखौबो गावनि स्टइलजों इम्प्रेस खालामनो नाजायो, नाथाय शारदाआ जुलनि सिगां सोमोन्दो बानायनो नेवसिगारो। सानैजों जुलि जायो आरो जुलनि उनाव लासै-लासै शारदाआ आनन्दनि नंगुबै महरखौ सिनायनो हमो। सावथुननि जाहोना ओरैबादि बल्डमोनदि सेन्सर बर्डआ बेनि सायाव गोखों थांखि लादोंमोन। मेकार्सफोरा ए साटिआफिकेट दाबिदोंमोन, नाथाय सेन्सर बर्डआ सावथुनआ राइज्योफोर नायथाव नडा होन्ना नै गोजा फिरफिला दिन्थिदों। रिभाइजिं कमिटिआबो बे थांखिखौ सोलिहोदों। उनाव सावथुन बानायगिरिआ खौरां होग्रा आरो फोसावदिं मावख'आव सौहैयो आरो बेनिफ्राय बिथाडा गमामायैनो सावथुनखौ रिलिज खालामनो गनायथि मोनो।

बलिउडनि रानि कंगना

दिपिका, आलिया आरो प्रियंका चप्पामोनहा हलिउड सावथुनफोराव दोहौ सोमजि होनायनि उनाव कंगना रनतआ हलिउडआव डेब्यु खालामगोन। कंगनाआ जाय सावथुनजों हलिउडआव आगान होगोन बेयो एक्सन थ्रिलार सावथुन नडा, हरर सावथुनसो। बे सावथुननि मुड ब्लेस्टड बी दा एभिल। बे सावथुनआव फावखुंग्रिखौ गाहाइ फावआव नुनो मोनगोन। सावथुननि सल'आ जरासे बिसि-

फिसाइनि जिउनि सायाव बिथा खालामनाय। जायनि गथ'आ जोनोम जानायनि सिगांनो जिउ गोमायो। बे दुखुनिफ्राय बारग'नो थाखाय बिसोरो मोनसे गिथावना आरो गोजाम फार्म हाउसआव थाडो। जाय सिगांनिफ्रायनो लांदां आरो रहस्यगोनां जाथायफोरजों लोब्बा थानायमोन। जराआ लासै-लासै गाजि आत्मा आरो शैताननि गोहोखौ मोन्दांथिनो हमो। सुलुंनि बादिब्ला, बे सावथुनखौ

हर्षवर्धन राणेआ पाकिस्ताननि फावखुंग्रि मावरा हुसेनजों लोगोसे खामानि मावनो नेवसिदों

भारत आरो पाकिस्ताननि जेंना बांनायनि गेजेराव फावखुंगुर हर्षवर्धन राणेआ बुडोदि, जुदि बेनि रिमेकआव बानायगिरिआ अर्जिनेल कास्टखौ सोलिलां होनो थांखि लायो अब्ला बिथाडा गावनि 2016 आव नुजाथिनाय सावथुन सनम तेरी कसमनि सिक्वेलआव बाहागो लानाय नडा। फावखुंगुरआ शनिबार खालि गावनि इनस्ट्रग्राम स्टिरिआव लिरदोंदि, जे बायदि थासारि आरो जौनि हादतनि सोमोन्दै कमेन्ट होनायफोरखौ फरायखानायनि उनाव, आं 'सनम तेरी कसम पार्ट 2' आव बाहागो लाया होन्ना नै थांखि लादों। जुदि थानाय सिगांनि कास्टखौ फिन लाफिन्नो सानोब्ला आं बेयाव बाहागो लानाय नडा। अपारेशन सिन्दुरनि उनाव अल इन्डियाव सिने वारकास एस'सियेसनआ बुडोदि, पाकिस्ताननि फावगिरिफोर, सावथुन बानायगिरिफोर आरो फाइनैन्सारफोरनि भारतआव खामानि मावनायनि सायाव गोखोडै होबथानाया थाबाय थागोन। फिन्नायाव बुंनाय जादोंदि, जायखि जाया भारतीय फावगिरिफोरा पाकिस्ताननि



फावगिरिफोरजों लोगोसे खामानि मावनाय नडा आरो बिसोरजों जेबो मुलुगनां

जौसांखौबो शेयार खालामनाय नडा। मिबथि होनाय जायोदि, 22 एप्रिल खालि

पेहेलगामआव उतखारि गार्लोबनायनि उनाव भारतआ 7 मेखालि पाकिस्तानआव मोन

'दामिनी' सावथुननि माधुरी दिक्षितनो अफार होनाय जादोंमोन

1993 माइथायाव रिलिज जानाय सानि देअल, मिनाक्षि शेषाद्रि आरो ऋषिनि सुपारहित सावथुन'दामिनी' आ आथिखालावबो नायगिरिफोरनि गोसोआव जायगा आवग्रिनानै दडा। सावथुनाव गाहाइ बिफाव होनाय फावखुंग्रि मिनाक्षी शेषाद्रिनि सिगांनो फावखौ माधुरी दिक्षितनो अफार होनाय जादोंमोन। अदेबानि सावथुनाव गाहाइ बिफाव होनाय ऋषि कापुर आरो सापर्टि फावआव नुजानाय सानि देअलआ



मेकार्सफोरखौ आलादा-आलादा फावखुंग्रिफोरखौ कास्ट खालामनो एडभाइस होदोंमोन। नाथाय जोबथायाव गाहाइ फावनि थाखाय मिनाक्षि शेषाद्रिनि मुड फाइनल जायो, जाय गावनि समाइना एक्टिजों नायगिरिफोरनि गोसोआव गोथौ जायगा बानायनो हायो। दामिनी सावथुनाव मिनाक्षि शेषाद्रिनि अपजितआव नुजाथिनाय ऋषि कापुरआ समाइना फावखुंग्रि श्रीदेबिनि मुंखौ लादोंमोन। सापर्टि फावनि थाखाय

सावथुननि रिलिजनि उनाव बांसिन खौराडव थानाय सानि देअलआ सावथुनाव दामिनीनि फावनि थाखाय डिम्पल कपाडियाखौ कास्ट खालामनो थाखाय एडभाइस होदोंमोन। राजकुमार सन्तपिनि बिथोन होनायाव बानाय जानाय बे सावथुननि बाजेटआ 5 कौटि रांमोन। बक्स अफिसआव गोखों पारफर्मेन्स होनानै सावथुना 11 कौटि रॉनिखुइ बांसिन कालेक्सन खालामदोंमोन। बक्स

9 उतखारि थाग्रा जायगाफोराव फिन गार्लोबनाय जादों। अपारेशन सिन्दुरनि गेजेरजों सान्निफोर एटेक खालामो आरो माखासे उतखारि थाग्रा जायगाफोरखौ सिलिंखार खालामदों। एस'सियेसनआ भारतीय मिउजिसियान आरो फावगिरिफोरनि फारसे सावरायदों। ए आइ सि डब्लिउ ए आ सिगाडावनो सिमना बारनाय फारसे दावहा जानाय जाथायनि उनाव 2016 आरो 2019 आव पाकिस्तानी फावगिरिफोरनि सायाव होबथानांगौनि थाखाय बे बायदिनो खालायदोंमोन।

अफिसआव जाफुंसारनायनि अनगायै सावथुना क्रिटिक्स आरो नायगिरिफोरजोंबो जोबोद अन्साय जादोंमोन। बे सावथुननि मेकार्सफोरा ऋषि कापुर आरो सानि देअलनि एडभाइस होनायाव गाहाइ फावनि अफारखौ धक-धक गार्लोनो होदोंमोन। नाथाय माधुरी दिक्षितआ सावथुननि अफारखौ नेवसिगारदों। सुलुंनि बादिब्ला, एक्टनि बाहाइ जानायनि जाहोनाव माधुरीआ सावथुनखौ नेवसिनांदों। माधुरीनि नेवसिनायनि उनाव बे सावथुनखौ मिनाक्षि शेषाद्रिआ मोनो। समाइना एक्टनि जाहोनाव मिनाक्षिआ दामिनीनि फावजों नायगिरिफोरखौ गोजोनग्लाय होदों। नाथाय रिलिज जानाय उनाव सानि देअलआ सापर्टि फावनि थाखाय बांसिन खौराडव थादों।

फावखुंगुर सचिन पिलगावकरआ मिना कुमारि आरो गावजोंनि माखासे बाथ्रा फोरमायदों

हिन्दी सावथुनाव जागायजेन्नायनिफ्रायनो उन्दै फावखुंगुरआ गावनि एक्टिखौ सिनायथि होबोदों। माखासे उन्दै फावगिरिफोरा गेदेत जानानैबो सावथुनफोराव नुजाथिदों आरो उनाव गावनि एक्टिखौ गनायथावना खालामदों। बिब्बिनो सासे उन्दै फावखुंगुर दंमोन, जाय धर्मेन्द्र आरो मिना कुमारीनि 1967 आव नुजाथिनाय सावथुन 'मझली दिदि' आव सासे उन्दै गथ'नि बिफाव होदोंमोन। बे सावथुनखौ ऋषिकेश मुखर्जिआ दिहुन्दोंमोन। बेयो मोनसे सुपारहित सावथुन। बे उन्दै फावखुंगुरखौ हारिमायारि सावथुन बान्थादोंबो मान बाउखांबाय। फावखुंगुरआ आथिखालावबो सावथुनफोराव नुजाथियो। फावखुंगुरनि अनगायै बनि बिसियाबो



टिभिनि मुंदांखा फावखुंग्रि आरो फिसाजोआबो शहरखु खानजों लोगोसे खामानि मावखांबाय। सावथुनाव जाय उन्दै आर्टिस्टआ मिना कुमारिनि फंबाय जानाय किशननि बिफाव होदोंमोन, बिथाडा बिथोनगिरिनि गिबि सायख'जानाय नडमोन, नाथाय मिना कमारीनि बुंनायाव जेब्ला बे गथ'खौ अडिसन लानाय जादों, अब्ला ऋषिकेशआ गिबि शर्टनि उनाव बिखौ गाहाइ फावनि थाखाय सायख'दों।

मिनाआ सेटआव बे गथ'खौ फिसाज्ला बायदि अनोमोन आरो बिखौ गोबां बायदिसिना फोरोडोमोन। बियो 10 बोसोर बैसोआव नेलनेल एवार्ड देरहानानै जारिमिन सोरजिदोंमोन। बे गथ'आ आथिखालाव गेदेत स्टार जाबाय। बियो मिना कुमारिनि जिउ गोमानायनि गोबाव बोसोर उनाव बिथानजों लोगोसे गावनि सोमोन्दोआ माबादिमोन बेखौ फोरमायदों। जों सावरायगासिनो फावखुंगुर सचिन पिलगावकरनि बाथ्रा, जायखौ जों 'नदिया के पार' सावथुननिफ्राय मिबथियो। फावखुंगुरआ मिना कुमारिखौ गोसो खानानै बुडोदि, 'मिना आब'आ बिथोनगिरिखौ बैफवनि थाखाय आंखौ लानो थिन्दोंमोन, बिथानि थाखायनो आं बैफावखौ मोन्दों, जायनि थाखाय आं उन्दै आनिस्टनि बान्थाबो देहादों।'बेनि उनाव मिना कुमारिजों सचिननि सोमोन्दोआ गोथौ जादों। सचिनआ मिबथि होबावदोंदि, मिना कुमारिआ गथ'फोरखौ जोबोद मोजां मोनोमोन, बिथाडा आंखौ गावनि गथ'बायदि अनोमोन।

'कार्ज' सावथुनआ जाफुंसारैनि उनाव ऋषि कापुरआ डिप्रेसनआव गोग्लैदोंमोन



गावनि अटबायग्रापिआव फोरमायदोंमोन। ऋषि कापुरआ गनायनायजों लोगोसे बुडोदि, 'आं ऑनि सहायनाय गोहोखौ खोमादोंमोन आरो गोथौ डिप्रेसनआव गोदोदोंमोन। आं सेटआव मोदोम मावगलुंदोंमोन आरो हुस गैयै जादोंमोन। आं आंनि चियारआव जिरायना थादों, मेकआप रुमआव थादों आरो दै बिदों। आं मोन्दांथिदोंदि, आंहा गावनि सायाव फोथायनाया जोबलांबाय। कार्ज सावथुनआ गोनां मिजिं जाखांहोदोंमोन। आं सान्दोंमोनदि बेयो आंनि के रियारनि थाखाय मोजां लामा बेखेवगोन। जेब्ला बिब्बि जायैखौ नुयो अब्ला आं बायफलेदोंमोन।' बेनि उनाव 2002 आव सानि

देअलनि 'कार्ज दा बर्डन अफ टुथ' आ नुजाथियो आरो बेयो मोनसे एक्सन थ्रिलार सावथुनमोन। सावथुनाव सुनिल शेट्टि आरो शिल्पा शेट्टिखौबो गाहाइ फावआव नुनो मोन्दों। सावथुननि बाजेटआ 11 कौटि रॉनिमोन। नाथाय सावथुना 15.57 कौटि रॉल' आरजिनो हादों। 2008 आव हिमेश रेशमियाआ कार्ज सावथुननि रिमेक लानानै फैदोंमोन, जायनि मुंखौबो कार्ज दोन्नाय जादोंमोन। नाथाय बे सावथुननि उनाव फावखुंग्रि उर्मिला मातन्डकरनि के रियारआ जोबलाडो। बिथानखौ माखासे सावथुनफोरावल' नुनो मोन्नाय जादों, जाय बक्स अफिसआव जाफुंसार जानो हायाखै।

रनतआ हलिउड सावथुनआव आगान होसिगोन



प्रडाक्सन हाउस लायन्स मुभिजनि बेनारआव बानायनाय जागोन। बेव

कंगनाआ टिन वुल्फ स्टार टायलर पसि आरो स्कारलेट स्टेलेनजों लोगोसे खामानि

मावगोन। सावथुननि शुटिआ निउयर्क आव जागायगोन। सावथुन बानायगिरिफोरा बुंनाय बादिब्ला, आमेरिकायाव शुटि खालामनायनि थांखिखौ बेनिखायनो लानाय जादों, जाहाथे जायखि-जाया जेंना एवा होबथाजानायनिफ्राय बारग'नो हायो। जाय बावैसो सिगां डनाल्ड ट्राम्पनि इन्डास्ट्रीआव टेरिफ लागायनायनि जाहोनाव जानो हागौ। अदेबानि आमेरिकानि हादरगिरि डनाल्ड ट्राम्पआ

आमेरिकानि बाइजोआव बानायनाय गासै सावथुनफोरनि सायाव 100 जौखोन्दो टेरिफ लागायनो थाखाय फोसावनाय जादोंमोन। हादरगिरिनि बादिब्ला, आमेरिकायाव सावथुन मुलुगआ गोखैयै जोबलांगसिनो दडा। टेलिं फान्डीनि बिथोनगिरि अनुराग रुद्रआ सावथुननि सल'खौ गाथा तिवारीजों लोगो लानानै लिरदों। गाथा तिवारिआ लायन्स मुभिजनि आफादगिरि आरो फाउन्डार।

